



梅山集
一

詩 賦

廿七

~ 16
2373
2





梅山先生文集卷之一



賦

和陶淵明歸去來辭

余自勝冠常懷藏密之願視城闔如途旅而形格
勢禁岡克自遂乙未五月始定居于玄石江上而
距京都十里而近氣象終是淺促意思不能深遠
然比諸厠身闡闡蒙世俗之塵埃不翅脫樊籠而
登槐嶺也步陶柴桑歸去來辭寄懷於言

歸去來兮黃唐世遠吾何歸緬虛雲與亭日兮撫身
世而自悲夫何我生之不邁兮仰先哲而焉追惟遵

時而養晦兮不關人之是非繫塗轍之已窮兮臨玄
溘而振衣曰於止而知止兮詠詩人之式微鶴向雲
而孤飛兮鹿望山而斯奔載得返于自然兮渺洋洋
於衡門心隨地而俱遠兮仍守身而身存施經濟於
花鳥兮存變理於杯罇居殷愁而隱約兮靜觀物而
解顏歎百齡之過半兮要一枝之可安爰影響之俱
息兮常晝掩乎荆關望芝宙之孤雲兮始興黔芝山
即我考妣墓
圭山而羅
列眼前長在目而遐觀靖潛處而自得兮絕求羊
之往還慕志行之居貞兮終吾生以盤桓歸去來兮
謦誰與而翱遊攀孤松以爲友兮聞鳴鳥而相求時

杖策而登臯兮聊相羊而寫憂種杞菊而峻茂兮覽
華實於園疇槐庭起樓柳汀橫舟差不易乎其樂兮
古與今如一邱視天地以遽廬兮與上下而同流付
萬緣於禪忘兮定平生之行休已矣乎吾生有涯歸
何時木食澗飲聊淹留縱不厭乎高深兮復棲棲而
焉之續飄颻而袖舉兮尋高契而難期慕前聖之遺
風兮詎役知於耘耔循聞道之初志兮勉說禮與敦
詩俾修身以俟命兮信蒼天而不疑

感春賦 己亥

余讀朱先生感春賦有會于心謹步其韻仍效其

繫我生之無涯兮出駕言而焉之謇身世之兩忘兮
止窮湖而爲期羌塞兌而息影兮傷儒風之淪替教
流水以籠山兮愜遵養之素志聊靜觀而自得兮與
萬物而同春潛窮廬而承思兮獨嚶嚶然古人願守
死而善道兮仰先聖之玄訓諒炳燭之無幾兮惜短
景於分寸賡希音於點瑟兮象至德於夔琴覺千載
之未遠兮契羣哲於寸心愛春容之燁敷兮自晦根
而菘蔭想玉燭之調元兮恨斯世之不可見願須臾
之無死兮觀太平之風光望美人于雲霄兮爛霞綬

體

與月璫齋參發之苦衷兮惟一飯其不敢忘憂其憂
而樂其樂兮勞我心而何極歌康衢而擊壤兮乘化
歸盡復何傷

和朱子空同賦

辛亥七月夢拜近齋先生覺來誦斯賦依依是夢
中光景仍效其體

曰孟秋之脩夜兮心鬱悒而不怡繫吾軀之不寧兮
淹床第于深閨曲耿耿而不寐兮願借明珠之夜光
中悶瞽而惓惓兮苦待曙而屏營若有人兮揚靈兮
儼霞裾與冰容望朝元之鸞駮兮欲脫屣而往從將

求索于上下兮勞我心而忡忡
邇吾升夫崑崙兮路脩遠而難窮
攀槐嶺之珠樹兮挹園苑之靈風
鷄聲動而推枕兮起視天而夢夢
迷紫陽之古義兮將問道乎空同

詩

極寒

丁未○十二歲作

沒重狐腋酒添籌力戰寒威使我愁
擬待明年春放後洞開千戶坐樓頭

敬受 內賜錦囊子

天吳紫鳳爛相光出自 坤宮襲襲香
雙手摩挲仍

佩服丹心一片貯茲囊

庚戌年

尼父晦翁後且先哲人終古降斯年
青丘一域含生望毓慶 宗枋誕聖賢

詠善竹橋

千古松山善竹橋橋邊短碣記麗朝
興亡四百年前事風雨蕭蕭血未消

有感

衣冠何事化裘羶四海陸沉餘百年
一部春秋無地讀悲歌中夜撫龍泉

和李在邦

承達

所贈韻

辛亥

岳翁名德早飛揚，冲歲承顏豈敢忘。
不復東床聞警效，揚山松栢幾經霜。

夜坐

壬子

駒隙光陰十六年，殘經果了幾多篇。
滿天風雨蕭蕭夜，點檢愆尤未做眠。

二月二十九日夜得一聯曰：空餘萬古攀龍

龍

痛不盡千秋拜犬羞，覺則遽然一場夢也。曾懷

自覺不平，足成一律。

癸丑

天長地久潏生愁，百世難忘丙子讎。
巖坼蜂飛腥臭

積

丁丑和成後南
城巖并蜂飛

霧開龜出異香收

孝廟在潘時香
霧滿室神龜現

焉空餘萬古攀龍痛，不盡千秋拜犬羞。
十載磨來三

尺劍燕山一片不盈眸

病中書懷

謀事在人成事天，臥龍此語足悲憐。
只緣阿覩為魔戲，有志虛拋少壯年。

我聞

乙卯

我聞真正大英雄，做出戰兢臨履中。
儒者不從這裏去，千途萬轍總歸空。

宣武祠感懷 二首

萬事滄桑入浩歌
邢楊廟下感懷多
吾東再造緣誰力
忍見金縉渡鴨河
星夜提兵渡鴨灣
吾邦賴此有衣冠
凶誣未雪身先死
冤淚千秋不盡乾

有感

三首

吾從何地讀陽秋
天下腥羶歲百周
已矣河清吾不見
夕陽矯首望神州
帝德如天草木知
吾東何日敢忘之
巍巍大報壇斯築
萬世千秋永有辭
何事文恬武且嬉
從今復雪可無期
環東一域三千

里不盡忠臣烈士悲

達川忠烈祠拜林忠愍遺像感懷

將軍遺廟達川陽
客子來尋感慨長
歲暮松杉增氣節
夜闌星斗見精光
英風燭目如將語
至恥藏心可忍忘
宇宙知音惟獨步
當時恨不配公傍

自警吟

十一首

萬物之中人性全
希賢希聖又希天
一毫退托歸虛偽
階級分明有後先

天下英才亦何限
皆從科舉誤平生
方知內寇尤爲害
粟老此言夙講明

粟谷曰異端門外之寇科舉門內之寇

栗老此言夙講明肯從名利日營營已知才短違兼
善宜向殘經了此生
色戒尤當在少時仲尼揭訓後人貽戰兢一念無時
已咫尺淵冰到處隨
酒害由來甚於色喪身覆國摠由斯疏儀可見防微
意大禹當爲萬世師
德將遠亂世無人酒色元來誤了人休道論人酒色
外當於酒色可論人
避財如箭庶無愆戒得非徒在老年哀彼迷津趨利
客忍將遺體落坑淵

欲學楊公三不惑先從誠正下真工年來彌切忝生

戒夙夜憂

缺

不弛中

楊秉曰余有三不惑酒色財

迺士徒知數蠹魚猝然當路事多疎須看閩洛諸君子用大體全任卷舒

口說聖賢行踈躄欺人不足又欺天稔知自作誠難
道神目昭昭暗室懸
言非難也行爲難真寔地頭着力難白日青天人可
見用心如此有何難

春日遣興

二首○丙辰

歸心何事轉茫茫強把瓠樽對竹墻永日禽聲來枕

外時携殘夢到家鄉

南來經歲又經春一夢徒勞故國春遙憶滿園花發

日誰陪杖履共看春

今年不得陪王父賞春故云

遊達城

偶爾生佳興停驢上達城此區宜嘯傲今日又清明
萬木皆花意空山但鳥聲獨來還獨去風雨滿前程

桐華寺

一策飄然到八公步隨流水上禪宮千年樓閣凌天
起萬丈峯巒特地雄花落客從紅雨裏洞深僧出白
雲中堪憐草木猶驚賊回笑東山折屐翁

毘岳路中

漠漠斜陽外翩翩白鳥飛西風吹忽近雪衲一僧歸
紅流洞石壁見以九翁筆刻崔孤雲詩口呼一
絕

孤雲詩已好南澗筆尤奇兩美湊成處伽山重以之

遂步崔孤雲韻

孤雲詩狂奔疊石吼重巖人語難分咫尺間常恐是非聲到耳

故教流水盡籠山

天作伽椰萬疊巒行人立馬水聲間孤雲日落歸何
處花滿川流月滿山

日涉亭次壁上楊龜山韻

杖几蕭然一室環
生涯付在卷書間
天晴魚躍方塘靜
風細蟬鳴古木閒
酒學堯夫時自酌
門從茂叔晝常關
苟無逐逐名場意
咫尺紅塵是碧山

拈老杜集中韻

寥寥復寂寂
永晝一孤樓
日暝殘花睡
風高老樹浮
古人親汗竹
晚計在孤舟
喚起思鄉夢
啼鶯隔葉流

時有歸樓建楸之計故結句云

贈禹斯文

載弁

真儒左海仰
文傳志事雲
孫繼述之丈尺
尋來陶安訣
襟期托得考槃詩
生逢堯舜宜投耒
學貫天人尙

下帷知子遂
初應不遠黃花秋色滿東籬

禹文先考暨先祖考

受業陶菴先生之門故菴三句及之

日涉亭

聳出山西麓
孤亭特地奇
雲翁帽揭筆
毅老壁留詩
寵辱俱忘了
沂雩可詠而
每懷班處士
丘壑好棲遲
陪季舅往省
楊根道谷外
王父墓不勝
床膝之感

感詩以抒之

二首

德義風流恨
莫追幼從慈
氏典型知茫茫
穹壤無窮痛
又作笑然失
恃兒

天高地闊
萍生悲此日
無緣坐膝
嬉二十七年
霜露

感滿山松栢長孫枝

江上口呼

西風吹雪作嚴寒遍體綿裘薄似紈此地莫言波吒
苦篙師身赤立江干

和李汝弘

載毅

所示感懷韻

我有龍泉劒磨來意欲何人間無淨地天下是誰家
舉目山河異回頭歲月多非徒燕趙士慷慨發悲歌
承雲湖任丈靖周之計病無由奔哭詩以抒懷
吾道于今日益孤如何夫子又長徂近翁同志稱知
已 聖主臨筵許大儒古閣梅留床上易虛堂蟲蝕

壁間圖端陽承誨渾如夢格物真吾二字符

過善山義狗塚

義狗捐生地停鞭覽碣文醉眠人不起風猛火將焚
救主由全性殉身豈要勳草間儉活輩寧不愧斯墳

題青牛出關圖

騎牛仙子出函關一去流沙更未還道德五千無實
用虛名徒爾滿人間

至日識感

子夜微陽動乾坤又一初占星軒鳳去告朔魯羊餘
俯仰光陰促蹉跎志業疎城南盈尺雪悲歎坐窮廬

雪中與金城甫

宗善

集近齋先生宅歸賦二詩

示城甫仍上近齋

暇日登函丈從容問道真潭忘門外雪同待座中春
偶作相觀會仍知不倦仁前期梅臘近留待講天人
摠衣此日共聯翩魯國靈光獨巋然可幸依歸爰得
所吾生真不誤餘年

挽呂先達

光德○二首

不待文王作翻然一變情靜修如處子端飭若書生
未遂鶯遷志空留虎榜名可憐薤上露萬事只沾纓
魯國靈光在惟君獨信師儒山負笈日鍾岳橫經時

測海誠非易撞鍾庶有期氣清知數局空作丈夫悲

拜外姑墓

伊昔黃冠白面郎居然鬚髮已蒼蒼東床坦腹渾如
夢草宿揚山歲月忙

渡荆江謹次重峯先生韻

己未○二首

彈琴臺下沒王師宗國誰扶一髮危後栗軍聲明大
義獨携七百渡江時
灑泣三山倡義師一身自許任安危荆江江水流無
盡尚記秋風擊楫時

靖節祠

十首

堯傳舜受日星明邪翳中間混太清湖外高人能傲
世鷄山深處掩柴荆

是母端宐生是兒兒能自靖繼賢慈身任大義雲孫
在一室三綱萬世師

君子華髮倚龍床八歲 元孫跪在傍來汝集賢諸

學士他時承佐致昇平

英陵松柏鬱蒼蒼閱盡滄桑髮髮霜隻手擎天天柱

折但將一死報 先王 右朴忠正公

花寒老圃雨收空偉烈宏量屬魏公千載寥寥誰伯

仲文翁德業冠吾東

神武門潑半夜開彌天禍焰觸成灰如微相國牽裾

力三木危機孰暫回 右鄭文翼公

身着襦衫頭軟巾西宮門外謝 慈恩銜童爭問何

爲者謂是當今有母人

屈岳館中夢孔子九龍村裏舉三郎衣冠左海伊誰

力大老于今有耿光 右宋景獻公

根天大義即師生父子君臣可重輕邪怨寢皮蒙反

射石翁祠下面應駢

一封朝奏夕桁楊刀鉅難剗鐵石腸子在亦應當致

死千秋留與盡天常 右宋石谷

巖樓齋謹次九菴先生韻

大老藏修地臨溪屋數間巖阿今寂寞高躅邈難攀

泣弓巖謹次九菴先生韻

雲鄉 仙御邈空谷 諱辰臨白首宗臣在痛哭復

長吟

月夜追憶近齋先生

端良純粹渾天成鍾得山河正氣生千載心期無與
比獨留冰月滿天明

高陽路中夜聞蟋蟀聲感吟 二首

千百為羣不已嗚嗚咽咽到天明問渠自苦那如

許謂是體天不息誠

天機自動徹宵鳴曾服文成見理明所愧為人不如
物日乾夕惕自由誠

步姑母碎辰金元肅 鋪識喜之作 庚申

問君何事樂今辰母也生朝屬仲春繫我餘生無所
恃年年臘吉哭慈親 臘吉即先妣碎辰

贈別安汝必 壽祿〇二首

隱翁氣節冠南州蕭斧鋤姦凜若秋何待百年公議
定是非宜向卷中求 汝必之先隱峯公著混定錄

好人猶好屋之身何況雲孫又世儒命駕來尋千里

外懸燈三夜說程朱

白杜鵑花

子規啼斷萬山中血染山花花盡紅
憐爾獨知亡國恨若將縞素訴蒼穹

季夏偕李汝弘遊清潭洪氏別業謹步壁上三

淵先生韻

潭溪流水古今同遐躅難攀永矢翁
元晦一過南岳重堯夫不返百原空
亭亭古木斜陽外漠漠高山暮靄中
入夜泉聲轉清活臥雲樓上思無窮

崔文一

南嶽

臨歸投詩追步却寄

門掩終南三十春
嚶嚶惟願古之人
黃唐世去雍熙遠
洙泗文傳諷誦親
誰識良工心獨苦
空歎末路道非真
高風近日偏懷想
梅發晴窓玩易辰

冰廬有感

二首

吾祖謝簪笏晚家金華西
兒孫時獨至淚濕窓間題
林壑雖長在籃輿奈不回
傷心植杖路枯草復生芟
八月二日晨起梳髮得星星者一莖
志業未就而老將至矣詩以寫懷

辛酉

我生二十六年夏曾謂金丹必可成
歲晚山中消息斷霜毛贏得滿頭明

步雅誦韻屬朴季立 命壁

錦湖秋水泛孤蓬萬里滄溟一棹中我欲理策隨子

去滿天煙月作漁翁 季立家在錦湖之上

鷺江舟中望六臣墓 三首

蕭蕭葉下漢江波古木寒煙啼暮鴉悵渡頭回首

望六臣墓上夕雲多

君王葬在越中山杜宇年年啼血斑滔滔錦水通江

漢風馬雲旗幾日還 錦水在寧越

盈庭刀鉅凜如霜方鐵殘骸孰掩藏大明天地寬如

許欠箇一人金悅卿 世傳金東峯收六臣屍體葬梁江上云

乘月向省湖到花田感吟

高人棲息問何年曙靄千重鎖澗泉悵悵風流今寂

寞獨隨明月過前川

近齋先生忌辰識感

象生才撤又喪餘德義風流歲共疎惟有白頭門下

士寥寥一室抱遺書

丁上遺編任掃塵一回披看一沾巾泉臺漠漠經國

手誰貯神丹壽斯民 時枚先生遺集

患阿睹廢課悶鬱抒懷用陽關體

病枕支頤睡意催殘書束閣厚塵堆却怪華山陳處

梅山先生集
士空將千日卧雲臺

夜臥自警

獨寢端宜不愧衾西山炯戒砭余淺誰言暮夜無知者腔裏天君有赫臨

八月十五日在白城未上墓感而賦之二首

經年爲遠客形蹟滯安城幾度松楸夢難爲母子情况逢中秋節未作上墓行矯首高臺上孤雲望裏生靡靡秋已夕淒淒露爲霜可堪悽愴慕空憶丘墓鄉我未齋心薦誰能以禮將任他令節樂風物屬殊方
壬戌之秋七月既望偕李汝弘泛冰湖

皓月東山出千林宿鳥驚魚龍寒不睡河漢靜無聲赤墜簫歌遠西湖八案清滄浪秋雨後正好濯吾纓

期李子岡

鳳秀

于穎上先出東郭時穎丈

任曾

向洛仍陪還精舍少焉子岡至劇談鎮日而罷歸路賦二律謹呈要和

獨策青門路相逢穎水湄丈人旋杖屨賤子款蓬茨且進盃中酒仍談案上詩會心有嘉客分手問前期衡茅依嶽麓此地卜幽居不去窓前草時觀池上魚素貧無郭卮至樂在床書蔭屋長松立天寒翠自如
八月晦發向金剛路中偶成

一入方壺夙有期秋風匹馬路倏遲知應此去無佳
句却悔從前不學詩

謹步近齋先生楓岳詩軸韻

寒露淒淒霜氣催千林紅綠正時哉蓬萊仙子如相
識應備鸞駿待我來

白華菴懷三淵先生二首

嘉邈名區豈道窮十年高臥雪山中有時移榻金剛
去百丈青霞繞萬峯

七八蓬壺興未窮三餘讀易白華中知應玩索天人
處智水仁山在我躬

淵翁八白華
三冬讀易

阻雨未登毗盧頂悵然賦之

毗盧非天上行行猶可登登山未窮高氣局心不弘
我來躡輕風高舉萬峯層雲臺與須塔飛下勢憑凌
所期在上頭扶搖凌太清俯酌東溟水仰捫北斗星
未服金光草飄飄四體輕披雲吸沆瀣御風遊汗漫
誰戲幽事成夜來風雨亂固知世緣重難爲象外觀
愧我體未真穢念尚盈懷仙靈一揮手清遊若爲諧
寄語赤松子重陰爲一開設約竟空言反躬發深省
注目空宇黑徒倚禪窓罔

山中雜詠二首

丹霞萬樹千樹白雪前峯後峯下有寒樓老子超搖
不辨春冬

釋子叅禪宴坐仙人乘化遺踪欲問真詮底處但聞
流水溶溶

石上覓近齋題名不得爲之悵歎用晦翁西林
韻

巾車不逐素秋回此地空餘青鶴臺方信蓬萊水三
淺屋題消落九年來

懷李子岡

偶從白馬峯前寺忽憶碧陰樓上人五入金剛傳良

老賢孫何日更尋真

真珠潭有藏翁題名

曾將牙纛過山中自許風流湖海翁惆悵真珠潭上
望香爐峯是丈人峯

懷李汝弘

山中老桂樹翠葉自垂垂我來折其榮折之將貽誰
念彼端居士乃在天一涯馨香雖盈懷路遠莫致之
何由共攀援不負皓首期

榆岾寺次近齋韻

寶地山中闢瑰觀天下無星宮披繡障金佛擁香楡

嶺峻停飛鴈泉靈啄異鳥人生此不到羈縶與何殊

至東海

我自金剛至行遵東海灣人間方有水天下更無山
今日始橫棹十年空閉關雖無康樂句靈界僂忌還
泛舟向海金剛次近翁韻

一水連天萬里長孤帆直指海金剛層層玉笋爭奇
怪點點雲鬢見渺茫知是縞皇留鍊石還如河伯歎
望洋乘風欲泊扶桑下鞭起六龍擎太陽

九龍淵

誰鑿天湫深復深飛流千尺落潭心寄語九龍休自

蟄有時噓氣作甘霖

通川路中望海

平生仰止魯連風今日行臨東海東欲挽餘波聊一
洗百年腥穢漲寰中

叢石

兩儀分高下重濁結爲地地以石爲骨往往鍾詭異
魏榆傳能言岱畎亦貢怪浮磬出泗濱昆吾耀西海
松風方一丈颯颯生涼森白鶴山上屏絢紋爛九霄
更有月林鏡晶光徹臙腑洪河撼龍門屹屹障砥柱
何似金瓯北萬玉自叢叢周遭作屏障凝聚當軒櫺

簇簇皆成雙稜稜具象六不用揮斧斤云胡如繩削
則彼羲爻象重三以爲形井井八榦桂粲粲三珠樹
丹霞繞玉臺精明發玄圃竅愛四仙巖森羅拱滄溟
高出戴山鰲直壓捲海鯨開闢幾何年壁立不曾傾
不因天工賦那容人力成靜言究其理茫然思太初
造化偶一值此物間堪輿二三太陰數雪花應其象
氣核鍾玄精眞形不自爽宐成自然數六稜無不同
非我期已見受說考亭翁

自通州歸書侯鶴林使君李文湘兼控未造之
由使君投以一律步韻却呈

通州太守赫蹄傳洛下遊人蠟屐旋穿島雲帆留宿
僨鉢山霜葉負清緣懸知入室尊盈酒可耐思鄉日
抵年千里郵筒荷至意聊將拙語續瓊篇歛有穿
島鉢山

淮陽路中

紛紛黃葉打征衣急峽天寒鴻鴈飛遊子不知前路
遠霜林斜日淡忘歸

東遊而歸謹步近齋先生紀行古詩韻演成長
編以敘勝賞

性本愛邱山平生自蘊結閉戶守窮廬誰醫烟霞疾
案上名山記息至時披閱局束鰈域中五嶽行不達

不有象外遊何由宣壹鬱夙聞東海東有山名枳怛

華夷願一見奇勝難俱說中秋裝吾駕啓塗興飄逸

歷省孝子峯季父墓愴慕文以述扣之猶不應反袂自

銜恤陟彼祝石嶺回頭世緣絕遙遙白鷺洲洲深鷺

飛越潏潏禾積淵終朝憇腰膝孤雲出錦岫峒陰新岫望

之心欲絕遲遲不忍去雙涕如河波振衣立嶺上髮斷

嶺長風吹弗弗何處是蓬萊不辨山與雪延目試周

覽全體安可悉驅馬無停息還忘疲氣血行行向長

安寺名長安入霞蔚逶迤溯靈源菴名窮處水蕩潏輕輿

或枯筇飛鳥共出沒明鏡臺名照黃川江名晶光爛相徹

咫尺白塔洞悵望心不歇岑樓歇坐夕陽萬峯爭秀

發真面白呈露神怪何翕忽皓彩凌白日錯落罨畫

出始認蓮花夏疑堆玉屑五城十二樓次第開門

闔窺窺廣漠殿上帝弭絳節不待生羽毛飄飄臥蓬

闕所以昔有人於此欲斷髮移步且徘徊高臺聳天

一臺名取愛眾香城孤標出天末千樹復萬樹琪花着

楓枯峨峨毗盧頂誰與爭律岬清森動瓊林披襟如

濯熱萬瀑洞名鳴不已在日浩而潔不見楊應聘但見

如椽筆葩安留心畫高躅邈難匹恨未陪杖屨長跪

受真訣摩挲夏延仔誰為挽佛日且進尊中酒仍弄

沂上瑟夕照斜澗壑林霏灑巾襪歸來卧方丈不復
 塵念綴祗為樂仁智非因希仙佛皓天默不言星辰
 但森列明月出玄霄似聽瓊簫咽仙鶴臺名飛不下雲
 間聲夏夏須彌跡已幻孤塔但嶒嶒細雨圓通菴高
 枕萬想滅玉女上三清洗頭盆空設捫蘿躡靈蹤銅
 柱撐古窟晉德攀援桂樹叢淹留棲石室摩訶歲暮恨
 夷猶此心與誰詰白雲臺名併高旻上下緣索鐵挈杖
 訪佛地名痛飲靈泉甘露水列長嘯上仙臺隱仙臺直下
 見溟渤垂垂十二瀑飛落驚我矚赫日光相盪層崖
 勢欲奪却疑御冷風身輕免顛跌曉洞曉雲洞雲鬣

船潭

潭名

水滸汨縈紆轉石徑娑娑依林樾榆帖

寺名變

龍淵傳說殊恍惚鴈嶺與狗峙天門通箭括登登視

下界羣山如蟻垤百川

橋名

駕雙龍雲橋固扁鑄鼓棹

海金剛玉笋堪怡悅翳翳扶桑枝可望不可拂如聞

五雲裏金鷄聲鳴軋龜巖聳西東擎天勢自屹朝旭

上高亭

海山亭

海山阿睹物造化鍾秀氣開闔陰陽剖

知應十洲上形勝無與埒三日

浦名

遊何忙雲浦空悵

失倘逢四仙子携手弄脩月蟄龍臥存身九淵

九龍淵

劈巢穴我來鞭不起雲雨無時訖叢叢石六稜

叢石亭

真幸力應竭其下松生筍盤桓醒睡兀衆妙集壹區

茲理誰從質憑欄賓初日回笑夸父渴直欲乘桴去
揮斤八極豁未趁汗漫期我行恨不卒纜成十日遊
仍作千里別一觀方爲快於焉志願畢夜夜虛堂夢
鞵鞵從皆骨

步姜文老

周欽

贈季立韻

楓松遺緒幾人傳聞說龜翁繼昔賢作者中間仍寂

寞願君向道惜流年

楓巖崔公慎松巖李公
載亨龜巖李公元培

拜心齋宋丈

煥箕○癸亥

胷中茅塞積千疑強索還應道益離武華池邊今又
到願從函丈質新知

素沙

行人立馬素沙坪忽憶麻公善用兵驕虜投鞭將北
渡將軍授鉞向南征相逢此地仍鏖戰終樹奇勳永
策名極目阿橋橋上望不知何處是南京

到潁上值丈人駕言仍步李子岡留詩以呈

羸驂東出郭鳴鳥碩人廬庭草芳心在園花落蕊餘
雲深行逕失門掩午陰虛何處莘村路林端望小車
日涉亭值春暮誦康節暮春吟仍步其韻

春陽煦物下遲遲綠樹陰濃花影稀亭午風微簾幕
靜坐看禽鳥自飛飛

望靈芝洞懷子岡

東岡高卧二先生子父相承以道鳴不遠神仙錢若
水相涵冰月李延平至今惟有篔簹訣伊昔應溪邱
壑情寄語賢孫勉明德舊書携取掩柴荆

金水亭謹步板上息菴韻

峽口天開敞四楹誰教此地費經營蓬萊海客衣巾
秘松月相公邱墓平山近玉屏含翠黛川回金水派
空明遲遲野日為留客徙倚楓林無限情

客松月
指思菴

楊居士
號蓬萊海

拜鶴窩舊址謹步牛溪韻

蒼屏千疊水雲淡丞相遺廬底處尋俄然清月東山
上炯炯先生不昧心

又次思菴韻

澹一清虛為質疑仍論天地未生時遺編珍重真詮
在應許潭翁覺後知

而已又謂澹一清虛
為氣之始栗谷辨之

思菴以經傳未嘗及天地之先
又謂天地未生之前冲漠無朕

青鶴臺謹步石上陶菴韻

丞相騎鶴去高臺立幾時秋水澄餘滓山日含清暉
石逕留筇音空吟宿鳥詩

舟中望二陵

寒烟落木漢之濱
嗚咽江聲未忍聞
蕭蕭峻屏留淚雨
陰陰崇樹結愁雲
西京玉匣蛟龍吼
黃帝喬山劔鳥存
義士江東羞寸刃
至今無恙吉酋墳

過三田渡渡上有清汗碑 四首

舟行休泊三田渡
渡上一拳石尚留
惟有朝宗江漢水
滔滔盡向海門流

南漢城頭雲未收
盟壇千尺至今留
知應石室祠前水
羞向三田碑下流

我有腰間尺劔明
欲將秋色共崢嶸
願言白日轟雷斧
撞破螭頭與地平

華陽未忍廢王春
抵死苦排媚虜人
愧殺當時李學士
甘心秉筆作陪臣

金正宅 基敘 卜居平邱楸下於其行與之詩 六首

黃兔滄桑道益明
宗儒人說大司成
蕭森梓樹清風動
時和賢孫夜誦經

潛翁自有壽民丹
用處能令一域安
留與後人窮妙訣
六松亭下掩柴關 妙一作首

正學高才閒靜堂
胷中歷歷鋪皇王
壁間獅子看應愛
奮迅要令百獸僵

婆娑杯壑斗陵翁
憂樂平生進退中
雲吉山前千仞

壁夏輸小阮振衣風
冽水風高落木秋可堪相送到平邱一言贈處今何
以聊誦周詩厥德修
寒花落葉閉門時虛負滄洲歲暮期擬製荷衣隨子
隱可能容我半山陞

龜巖處士李公

元培 輓二首

聞說天雲外新封處士瑩北方稱傑士南國說高名
不有家成教那能天聞聲懸知乘化日應晦少微精
先王條問十三經辨對千言析義明萬里琅函馳驛
使九重仙詔下柴扃丹衷可忘君民志素履非安

沮溺畊不報知應還是報雲鄉歸侍也陳情

日涉亭賞花步朱子韻

甲子

蕭灑園亭春向深幽人拄杖日登臨方知天地句當
事惟是盈盈生物心

三月十九日即 毅宗皇帝殉社之辰也不勝

悲憤情見于辭奉示頴荷兩座下 三首

此日知何日 先皇殉社辰有光 洪武烈無媿禮
經文正氣凌千古仁心及八垓吾 王大報意壇上
裸將親

其二謹步 孝廟瀋陽質館韻

至誠終未動天人飄泊 皇靈左海濱日月猶明心
獨照江山已改恨長新吾東可忍忘今日中土誰能
記舊春敬奉 衣襟遺詔讀不堪一字一沾巾

其三謹步尤翁 孝廟諱日韻

九州無淨土 龍駕何處臨海外遺民在斯晨起悲
吟

姜泰齊輓二首

夫子曾發歎才難不其然邇來閱人衆鮮有如子賢
風度超間井襟期出市廛終緣局於地未副降才天
昔我出青門行尋樊里村人間忘寵辱物外起田園

具黍澆情見分山後約存那堪送君去仍復葬蘆原

偕李子田龍秀子岡子埜麟秀李元裕宋日

章文綱堂從允汝爽汝舟遊至鷺江書院二首

漪漪鷺江水血血定齋祠公死心不死滿天星斗垂
誰不知愛母惟公獨爲子回頭望 明陵梓樹青未
已

愍節書院二首

百死丹心苦千秋白日輝九原如可作吾欲與同歸
江聲嗚咽越中來似訴 君玉不盡哀悵悵景仁堂
上望九疑山斷暮雲頽

四忠書院

秩秩堂中四像陳堂堂正氣薄穹旻安危宗國今誰
在欲向丹青起蓋臣

發四忠書院舟下西湖拈舟字共賦

斜日祠前樹微風岸下舟相將數子至仍泛大江流
疊疊叅談笑搖搖任去留未愁西景暮來歲又茲遊
子非山澤相差強泛虛舟不使塵心淨要須大白浮
商量皆外慕自在此中流相贈平生意毋忘今日遊

右記遊

右屬子田獻嘲

知君有素性仁義是居游學海終能涉平津可自由
幽期在邱壑浩思入滄洲李郭風流遠吾儕又共舟

右屬子岡

我來鷺江院君自伏波樓性癖耽幽賞年衰思壯遊
高吟當落日晚醉泝清流似是忘機者白鷗飛近舟

右屬元裕

平生喜孤往今日駕扁舟况有同人在相看永夕留
觀瀾要悟道忘返戒從流無限斜陽好離懷杜若洲

右屬己

暮春者自得翁李公

義秉

會穎上賞花賤子猷

與冠童之列越數日頽上丈人投示近體僭易
奉和夏承自得翁所步寄意過重有非賤陋所
敢當謹次原韻數字還奉自得丈人座下

不期良日會仍趨滿山花信息方知大風光爲夏加
遐情忌爵祿綺語帶烟霞操几前期在蒼葭水一涯
又奉古體一首用敘向慕之忱

少小無所識猶能貴名節夙聞韋窩翁樹立甚卓越
年未及致事抗章乞骸骨不獨漢廷中二疏能勇決
世運入平陂堅白不磨涅葵藿性傾陽之死猶莫奪
賊臣沮 壺冶彝倫幾數絕舉世皆混濁淪胥不知

恤惟公諦斯義憂憤欲成疾車懸身已退無路叫紫
闥惟有丹衷苦但願 黃裳吉君子成教國清議所

由出何必吾家操志士彌激烈玄天本仁慈奸凶奈
媒孽一節終不渝三忠吳陽谷李雙栢堂朴定齋可與匹事異心

則同千秋歸一轍闕背盈朝廷仁者亦戰慄無由訴
危衷陰雲擁 天闕窮溟返孤觀行路猶嗚咽至今
滄海南冤氣蟠鬱律天怒不竟夕陽來有七日何待
至百年公議定不沫然亦知德希風節將沉沒在公
何重輕顯晦猶外物忠臣有孝子至行因異質顏丁
善居喪高柴常泣血獨抱固窮節仍守東岡室不仕

自有義至痛尚蘊結非是要潔身自靖受賢達歲寒
百草零松栢獨蒼鬱夙夜更努力令譽有終畢秉彝
自好德賤子何稱述

向清潭少憇延恩門

吾邦徧荷 大明恩延勅當年在
此門不復皇華消息至仁山
皴綠獨含冤

八月下泝集頴上講學述其事奉同會諸君子
尋真歸北麓觀德至東林揖讓追三古危微戒一心
風流興國寺豪氣祝融岑日暮歸未晚清風滿我襟

右屬頴上丈人

若士老好學窮年書一床閉門清江上惟有誦聲長
慨念衢塗昏秉燭燭無疆爰謀素心人絳帳開東岡
不惟相觀善而又惠後生我來獲升堂躬聆金石聲
原思已造濶闡微亦研精往往析疑義發人所未發
主翁首肯可賤子心開豁不有真積力何得泉湧出
夙聞九仞山一簣功未畢亦有行百里九十半塗轍
日月擲人去致遠非倉卒及時當勉勵下學至上達
有初鮮克終周雅戒罔忽國以善爲紀士又重經術
成教分內事努力加邃密老學尤可愛龍門有遺訣
好善卽天性作詩用自述

右屬疇巖丈人

蚤行到蘭室待君君不來天風一披拂庭樹秋聲回
坐久啄木驚青眼爲一開欣賞八歲書相與用稽疑
珍重晦庵翁爲我百世師做人須樣子作聖爲根基
要看心體正莫作口耳資平生用不盡名言允在茲
休言三古後學絕教養乖一日難再中盛年不重迴
所以賢達人慥慥惟及時仰首視商山燁燁榮紫芝
一年且三秀非直爲療飢嚴霜結百草奈何當復衰
感物願及早俛焉日孳孳開月夏來會刮日以相期
暝色青門道帶月携手歸臨歧相送處夕露沾我衣

商山峯在
潁尾上

右屬李子岡

終年在讀滿床書小學篇中面目疎但願昨非從此

悟寒暄詩是指南車

金寒暄詩曰小
學書中悟昨非

右自屬

黃花下述淵明

淵明性愛菊非是爲看花生憎寄奴草春到擅芳華

玄溪精舍

乙丑

峽裏日多雨蕭蕭楓樹秋不才違世路有志慕前修
霜落稻梁熟溪深鷗鷺幽遺安吾祖意不兔園收

歸自陶山途中口占

去去山蹊路淒淒霜露秋野長身飛絕天闊鴈聲流
羣物亦知止我行猶未休輕陰在天際立馬意悠悠

送李子岡隨大人使燕 八首

我家江漢上日夕看東流送君萬里去非復舊神州
曉日西門道清霜遊子衣遙將一尊酒珠重勉還歸
月老雲章動八垠一時爭誦辨誣文華人若識賢孫
至應謂東方產寶薰 博物誌曰東方君子國寶薰生華
百年珠幣役三韓冠蓋相望碣石間更起書生隨使
節仔輸奇策閉灣關

屋社遺墟禾黍長君從何處謁 天王知應天壽山
中去十四 陵前淚萬行

召丹自有大心胷殺氣燕天劍作虹太子河邊須酌

酒莫將成敗論英雄

憑君欲吊望諸君高義千秋尚薄雲日暮金臺秋草
沒不知何處有孤墳

可奈天心無改移寒威九野錮陰時玉河館裏閉關
夜應感微陽地底回 冬至在

近故云 十月十八日即亡妹生朝也感而賦之

地下無白日人間足青春爾歸仍緬邈吾任獨悲辛
可忍終千古何由贖百身天高號不應此意竟難陳

十二月十七日送金伯元 參根 歸洛

梅花初發故人來花未凋零人已迴夜夜巡簷誰共

笑參橫月落獨徘徊

遣懷 丙寅

重門雖設晝常關寂寂寥寥心自閒萬里江南花應發不知何處是好山

邵子詩曰閒居慎莫說無妨朱子釋之曰蓋道無妨便是有妨余處獨居閒苦患頽惰有味此訓因之爲詩

閒居慎莫說無妨纔說無妨便有妨天地鬼神森布列休言不善亦何妨

順興浮石寺聚遠樓

自從金剛歸我目無全山行行過大嶺策屐住雲間
我身不知勞我心有餘閒非緣學仙佛岑樓使忘還
謹次退溪仙飛花韻

花發千年古寺門不教雨露養靈根重淵陽德如泉
達亦被乾坤化育恩

舍人巖 巖即禹祭酒
俸研易處也

聞說禹舍人樓遲此澗谷我臨水聲中如聞誦周易
六月十二日發向漢師路出華城之遲遲臺下

識感

憶昔先朝駐蹕時遲遲臺下每遲遲黃昏故道遺

民泣濕盡山頭三字碑

偶成

庭梧策策動新聲喚起幽人渴睡清更有形神超越處盡欄南畔聽蟬鳴

黃花下偶題

我愛恁前黃菊枝天寒霜落見真姿含鵲悵望金烏空欲撥芳華祭伯夷

夕宿內院菴菴壁設佛像參坐有感 三首

如來亦是大心人普濟羣生自性真可惜未聞君子道枉論緣業誤生民

聰明慧智自離倫勤苦修行亦近仁恨不用心真正地空令聖路塞荆榛

連天蔥嶺限西垠不識中州有聖人名教中間存樂地可憐虛作自焚身

行數百里見田野盡闢感而賦之 二首

茫茫田野闢無垠舉世何多不飽人我願 君王法箕聖早施仁政答斯民

唐虞三代亦斯民貧富如今奈不均珍重廣川傳妙訣仔期比屋可封人 董子請行限民名田以塞兼并

十二月九日夜偕伯元步月東閣前庭

愛此風光好那堪清夜徂雲空天夏遠星淡月逾孤
放步心隨闊哦詩氣欲蘇歸來燒燭坐一室靜書圖
既望爲送爽汝發向振威途中作
行人立馬遠郊中大地茫茫夕照紅天意未堪沉萬
象故留餘景滿千峯

陽城牛老峙望海

曠野東頭聳碧岑夕陽驅馬獨登臨忽看大海西南
圻牽動長風萬里心

丁卯歲正月上旬閣梅盛開感而賦之

姑射仙人縹約姿每年南至與相期前冬何事來差

晚爲趨春王正月時

三三日俞丈五汝

常杜

招邀登東臯日入而歸

遲日睡罷洞幽期飛鳳臯踏青仍舊俗垂白復吾曹
目極平郊闊身參遠宙高解携西景暮清露濕輕袍

老杜上巳日詩有鬢毛垂領白之句
俞丈及賤子髮俱白故領髮及之

新屋

新屋南山下風檐綠樹齊未須携酒去端坐聽黃鸝

聞鶯

流鶯百轉復千轉綠樹陰濃清晝長莫使臨風頻喚
友百年身世已相忘

江樓有感

盡日行人集渡頭，渡頭風浪蹴天浮。虛舟出沒泡花裏，副手梢工底處求。

朴都事

師瓊挽二首○戊辰

青氈詩禮故家門，敦孝由來百行源。遙想雲林廬墓

地，祗應枯樹淚餘痕。

公嘗廬墓于雲林山中

辭爵難於蹈刃難，古來林下少休官。憐君脫屣金吾

貴，錦水春瀾弄釣竿。

全居錦水之上

閣梅

我愛寒梅樹，馨香自潤身。世間知德少，羞殺看花人。

六月上旬 上躬禱于南壇，入夜得雨喜而賦之。

君王移蹕為三農，露坐郊壇烈日紅。一炷心香仍上格，沛然中夜雨承風。

族大父

善曦

自維楊之伊潭，移宅于積城莘野。

因以自號詩以見意，謹茲續貂。

第七重山山水州主人為卜，此淹留赤城。仙子相將去，紺岳真君仍作儔。閒逐鸞鷗雲渚浴，靜隣麋鹿石門遊。離離玉樹階庭秀，高臥茅廬百不憂。

七重積城一號

九月十六日遊清漪亭

浙瀝撼孤枕初疑風雨聲攬衣出門看月明潮水生
進學堂在石室書院望渡迷仍懷邱隅
山門中坳兩江開急峽連雲倒瀉迴應到平邱波浪
靜仙舟好載道人來

逢邱隅丈人五首

一笑江樓雙眼青五年相阻兩忘形世間寵辱何須
道參語天人坐月星
君民素計自窮經一片公心炳日星懷寶由來難下
手願崇明德永芳馨
何來仙鶴下雲汀獨立昂然整雪翎多事烏鴛求食

嚇秋風會看到青冥
平生炯炯一心靈兩地流通不暫停夢裏渾忘湖水
闕夜來猶到六松亭
滔滔盡同終南徑皎皎誰能守北山留得丈人江上
老清風千古可廉頑

贈李在邦學士三首

乘鶴橋頭學士廬清秋棲息近何如玉流洞裏金華
洞石室焚香看道書
門掩空山獨寤歌東籬秋色問如何人中清士花中
傑苦節相叅較孰多

牢落終年抱病憂音書人事兩悠悠來鴈無聲楓葉
變不堪風雨送殘秋

十月九日賞菊仍誦淵明九日詩至持醪無因
空服九華尤有會於意者步其韻以寄懷

靜觀乾坤化萬物各資生四時多佳節獨愛重九名
露凝遊氛息天高風景明萬木將晦根蕭森作秋聲
園菊有黃華開盡慰頽齡年飢國有禁無酒可對傾
但懷貞秀姿十月猶自榮抵死抱遺香所以稱我情
誰云窮陰至陽德自生成

憶妹用杜陵憶弟韻 庚午

家君得邑去高坐嶺南樓憐爾望雲思添吾陟岵愁
行將盡室往仍復數年留願汝隨陽鳥秋風到海陬
泉雨閣在又溪上下已陪季父至庚午七月九
一日又携翊汝至回想舊遊不堪存沒之感詩

以識懷

十四年前此地遊中間人事摠悠悠蒼山欲皺幽泉
咽碧樹寒蟬又一秋

野草

時作密陽觀行

我愛野田草經秋自放花無人解幽賞霜露護天葩

田水

我愛田間水涓涓自到溝盈科猶復進滄海與同流
達川戰場

屹山高漠漠達野浩茫茫地勢無夷險人才有短長
韓侯傳活法戚帥秘奇方將軍能捨命宗國奈天亡

韓侯活法即背水陣戚繼光
奇效新書乃御倭之方也

過林忠愍祠

海東無將帥惟有一林公自盡陪臣義終輸屬國忠
難容小區域能做大英雄朝日照遺廟昭昭見赤衷
洛原途中用韓文公韻

不覺離家近一年屹山飛屐洛江艤重陽時節無風

雨敬謝冥冥會事天

九月二十一日泛舟南樓下

太乙真人上紫冥獨留江上一孤亭清歌欲闕斜陽

暮萬竹蕭蕭響晚汀

船上有閣名太乙亭

下船登嶺南樓次板上牧隱韻

盡日烟波一棹橫夕陽無限遠江平官娥強解幽人
意水檻爭歌欵乃聲

嶺南樓次板上三淵韻

密府千年國山南第一樓地通三浪浦天抱一孤舟
雲磬來蓮寺沙禽慣棹謳酒醒渾忘語晴日漾中流

二十一日偕翊汝拜禮林書院

佔畢齋主享之所也○二首之

靜思泉壤禍馨折暗聲吞縱食周王粟寧忘楚帝魂
辭雖嫌直截志欲訴煩冤斯義質巾几微言不在言
圃隱初夫子中間作者無先生開正路後世作羣儒
名豈因文著功由與道俱彝尊遺錄在師友自江湖

江湖畢齋之稱彝尊錄畢齋為江湖紀實之編

步今是堂任公義伯嶺南樓詩韻上潁西任丈

二首

棠茇百年遺愛浚江山文藻想真襟寒流微月渾如
舊無復清簫響竹林

一上名樓悵望浚若為罇俎繫疎襟明年鳥島應南
至銀燭朱欄對茂林

辛未歲正月三日為觀清修金公城甫之葬自

密府發向京師四日踰八條嶺八達境承敦府

新命馬上口占四絕

心期早托許巢倫天地中間自在身三十五年成一
笑簪紳班上姓名新

平生行止信蒼天聚散浮雲任自然惟有存身藏拙
法水邊林下了餘年

曾無一事慰親心身身私情結寸忱懸想近民軒上

座手擎華誥感 恩深次大人軒密之東閣
君臣大義自天經 一片丹心炳日星
竊愧疎才無藉手 我將自靖獻微誠

梅竹堂望畢齋墓

我居叢碧堂尚友在竹素 真想雖彌襟
寥落無與晤 有時悠然坐南山
半隱霧其下 四尺封謂是畢齋墓
松檟不改陰 兆域宛如故 孰云伊人亡
眷然肯我顧 世隔四百年 神遇如朝暮
爲誦郴江誄 有懷要一吐 策名 光陵朝
斯文曷爲賦 死生六忠臣 以心則同
趣 惜不早自靖 終身立脚住 春秋微
婉義云胡不竊

取縱欲忠憤敘何以文字寓 侃侃濯纓翁
行顯驥尾 附師旨如欲述自可不言喻
豈昧爲諱禮聊欲無辜 顛難容一辭
干詎須四字註但快子光心適逢喬桐
怒難將小心腹仰測大規度興言有餘悲
緬焉起深慕神交自冥漠我來後巾屨欲
辨仍忘言落日迷遠樹

閏三月十二日夜陪家大人上嶺南樓用老杜
岳陽樓韻

朱幡自東閣彩服侍南樓 吹地江聲轉
翻天月影浮 玉欄叅遠岫銀燭暎虛舟
鳧鳥偶乘興闔州仁澤流

十五日泛舟下三浪

幽人牽晚興遲日泝清流雨足江如海風恬舟似樓
岡巒同往往天地共浮浮更有橫江鶴飛過問我遊
敦府新 命後疇巖丈人屢書勉出終垂詩教
示以用晦之義意甚盛也追步瓊韻用伸仰止
之慕

為誦無尤象

大畜九二翼脫輔中無尤

仍知止孝心戴 恩三命

重齋恨九幽波難動龍蛇蟄長悲鳥鳥林平生自靖

義三歎有遺音

丈人三辭除命輒有詩故云

六月二十日即尹氏妹亾日也夜夢涕淚相對

覺來楚愴未忍為懷懷見于詞為二律

巖君為密陽盡室集殊鄉惟見僮籩豆空懷納酒漿
憐渠已朽骨使我欲剜腸縹緲飛樓上魂歸一徜徉
一掬安巖塚猶畱淺土中封虛淋雨水隴剗沒蒿蓬
寧有忘情日空餘割半躬斯晨相感遇似訴乃身痾
靈芝山人李子岡即吉後詩以道意垂示於嶺
嶠千里之外其辭悲絕有不忍奉讀其意鄭重
有不敢無復謹步原韻還呈

蕭森宰樹為誰鳴不置誠浚日展瑩滿壑雲陰猶憾
色隔溪風佩自哀聲訂頑書裏知純孝明發詩中戒

忝生孺慕終身殊未已踐形方答昊天情

梁山邑店謝李明府 泰淳 見訪 三首

梁山太守退溪孫逸旅相逢問緒言九曲天淵臺下水
砥應留與覓真源

海外人傳玉水翁尊親退集細研窮更將全部仍刪

述付與星槎滿一籠 倭人有號玉水翁者以儒名作退溪書抄十卷做宋書節要例

也辛未信使行到馬島所謂江戶使者持贈正使正使示明府云

退安端為百世師聲名洋溢及蠻夷大邦文獻今蕭
索闡繹還輸漆齒兒

頰上丈人得邑為新寧時余在巖川子室造候

于新信宿將歸丈人携往八公山之銀海寺止

宿臨發贈以二絕屬意者重奉以還擬因病作

和呻嚙步元韻用答盛眷 三首

浮生一會亦前期那識逢迎在此時上謁公門違拙

性微誠方到異鄉知

歲寒炯炯一心期梅閣清宵晤語時邑誌他年編此

事風流留與後人知

雲裏磬聲和角聲仙鳥飛下洞天晴空山積雪難為

別丈室懸燈道素情

聞嘉山郡守鄭著不屈死闔門殉節感而為詩

壬申

聞道嘉山守成仁造天間全家輕性命一死重邱山
李芾寧從賊明皇不識顏風聲動天地不日可清關

九龍村

行隨五馬後指點九龍村山勢鍾靈氣川流自醴源
篤生大君子整頓一乾坤鄭重龜趺石猶堪紀故園

九龍村即尤翁徽降之地有碑識遺墟

仲秋之十八日偕李子岡子臯堂弟允汝出西
湖之清漪亭放舟為回江之遊翌朝而還馬上

共賦二首

居山澤自清癯對面揚休味道腴暇日聯鑣出南
郭微風搖棹泛西湖天機滾滾看流水人事悠悠少
坦途此處論心曾有否滿江秋月照冰壺右屬子岡
飛騰風馬作先驅兩岸樓臺似畫圖剩水殘山心共
遠長風破浪氣全蘇蘇仙泛月曾隨鶴張翰逢秋忽
憶鱸翠柳白沙時極目不知何處有蓬壺

壬申歲九月二十二日即 正廟周甲誕辰也
不勝痛慕發之為詩

寶甲依辰至翠華不復來天慳千歲壽人抱沒身哀
御氣留金闕真遊隔玉臺南山與北斗日夕但崔嵬

朴和順和文挽 癸酉

翠窠留文獻白雲餘步趨沉濃親簡策隱約掩桑樞
天上聞臯鶴月中飛葉鳧捲歸雪山裏端不愧形模
三月小晦梅山途中作
澗柳依依弄晚風山花灼灼媚晴空不知身在春光
裏但道春光在此中

樹屋南山下

樹屋南山下南山几案中遊雲朝暮變積翠古今同
澤霧藏玄豹防冬蟄老熊我來非卜宅真意自無窮
東京懷古

玉蕊聲殘黃葉飛鷄林秋色薄西暉我來別有傷心
處城郭人民半是非

佛國寺和佔畢齋韻

寶地經千載銀山鎖萬重落霞樓石室虛籟應金鐘
池影無風蘸橋雲向日濃我來非學佛華髮已鬢鬆
寺前有影池寺前有青雲白雲兩橋

聽鐘

鍾動九街響滿城為分昏曉趁時鳴可憐不被金莖
徒猶 缺 千年故國聲

甲戌閏月承洗馬新 命發向漢師馬上口占

曾辭一命定行藏寵辱如今復兩忘無端出向迷津
去羞殺鬚眉已雪霜

靈芝道人投詩于海嶠寄意肫摯還自東京馬
上口占步韻用俟叅對呈覽

桂苑同心篋梅窓入手開春風天末起信息日邊來
鶴禁要同侍麋心勉亟回從知酒中味冷煖在舍杯
桂坊直廬遣懷

地肅銅龍闕人間洗馬官松濤臨院聽花暈倚欄看
遲日禽聲樂翻風鶴影寒香烟在衣袖退自五雲端
書筵罷歸直廬謹步板上 正廟御題韻

北斗南山祝萬齡少陽春色繞階窠小臣挾冊 萬
筵退自愧非才侍講經

三月十六日呈觀由發向東京馬上口占

歸雲有底急飛鳥亦嫌遲花柳如相待江山定有期
奈無軒冕志虛負聖明時三宿子輿意回頭雙涕垂
文龜亭次板上韻

一線道通飛獨鳥千尋湫落臥神龍人和從古定邦
國休說山關隔萬重

金尺院

文獻羅朝語不詳傳來金尺事荒唐如今此物能生

死疑塚何因得葆藏

聞集慶殿墟子規聲

古殿遺墟松栢陰
寒烟鎖斷月沉沉
衣冠已徙真遊
邈杜宇聲中再拜心

仲秋之望乘月南樓

崢嶸寥廓不勝孤樓出
中間渺若無半夜登臨千里
客一輪明月與之俱

懷舊

羅王宮殿鞠為墟
衰草寒煙一望虛
玉佩金蟬趨走
地春來畊安拾玳瑁

又步東岳懷古韻

京邑荒墟荆棘長
秋來烏鵲吊西陽
儒昌薛弘儒漢

公致遠文藻無遺跡
金朴金庚信朴堤上精忠有耿光
半月城

平流水白五陵松
老暮雲蒼禮魂
姱女傳芭舞秋菊
春蘭自播香

十月七日訪梅月祠于金鰲山山有背長寺金

倪卿所棲云金公有堂名梅月即故堂而祠之

故曰梅月祠祠揭影影是頭陀形也

金鰲山北汶川西清士祠堂即古棲斷髮形傳吳伯
仲探薇心苦殷夷齊剛風振谷松能勁嚴雪封山竹

不迷更有寒梅餘獨樹夜來孤月影淒淒

仁村禹公

載舟 輓 三首 ○ 乙亥

全嶺少吾黨一鄉惟丈人青襟觀國士皓首考槃身
味道寒泉冽傳心祭酒真寥寥風義遠誰復作儒紳
寥落琵琶峯裏幽人杜德機谷蘭仍播馥山玉自含輝
鳳闕三辭進蝸廬一揖歸平生無悶志長掩白雲扉
養真衡宇下身世若相忘自可紀南國疇能先北方
人熏徐孺德地比鄭公鄉不復回長夜冥冥閉壽堂

梅山先生文集卷之一

梅山先生文集卷之二

詩

近齋先生諱辰志感

二首 ○ 正月十七日

曠古風流遠傷今歲月深門前留皓雪壇上有玄琴
不復臨函丈那能嗣德音隨身遺集在撫卷見真心
天上明神在人間忌日回昏衢收炳燭正路塞荒萊
永謝先生教徒淡後死哀倂倂迷處所半道獨徘徊

仙桃山

仙桃不老倚天開春色千年幾結枚靈果未饒羅祖
壽五陵松柏鎖烟埃

仙桃山新羅之西弁
也五陵羅祖陵名

三月念一日尋栢栗寺上鳳棲樓樓前有花爛
開僧云人物花為詩以識之 二首

栢栗寺前人物花分明獨樹吐天葩故邦遺卉今猶
在如襲芳菲待翠華 寺即羅王願堂而遊幸頗繁云
求福虛勞起鴈堂佛靈無奈國存亡千年人物今消
盡惟有各花獨薦芳

燈夕志感

仙桃春色已摧殘故國繁華一夢寒猶有懸燈餘舊
俗滿天花月列千竿

五月十三日尋風詠亭

亭即東京之司馬所也

驅馬悠悠隨所之野亭高處自幽期柳橋不泐新羅
石檀板空留舊尹詩司馬風流歸邑子金鰲形勢作
坤維仁山松桂長隣近何恨人間路有歧 金鰲山名仁山尤菴

書院也

韓童魏東

連理小字

來訪于洗襟堂贈之以詩

扶桑日出海天東雲錦為裳被玉童終古善書無識
道須從六籍下真功 童子以筆藝名一方故云

下馬金角干墓

金山山勢正嶒峻松柏蒼蒼赤日昇累累斯羅多少
塚行人下馬角干陵 金山角干庚信山名

身嶺

我行三十載茲土九重經身道懸天極龍湫拔地形
蒼林嗥虎豹白日鬪雷霆從此辭鞵襪回頭謝岳靈
乙亥除夕誦老杜守歲詩四十明朝過飛騰暮
景斜若道吾今日事爲之感歎仍步其韻

守歲南山屋寒燈自結花對椒浮綠蟻爆竹散昏鴉
縱有青春返那堪白髮斜明朝過四十人世詎無涯
朴季立爲 義陵寢郎爲詩以送其行 丙子

分手仍成賀山人亦做官清齋烏帽整 仙寢白雲
寒知有抱關義應浚奉檄歡報君無小大莫負寸心

丹

水亭孤坐懷洞主金城甫

宗善○三首

仙鶴乘雲去未回碧霄清月獨盤徊故林泉石渾依
舊何事伊人不再來

憶昔携君此地遊碧亭終日聽寒流小僮賒酒親朋

至無復主人來水頭

庚午秋携公于斯亭公有詩曰
親朋留好約賒酒小僮歸故云

落日寒烟鎖洞天舊遊冥漠隔重泉
絕惟有青林響晚蟬

公歸自寧邊携香山一筇每與
之遊輒持而出余戲言古人爲

筇而歸相對一笑

洗劍亭

洗劍何年事憑軒此日情蒼霞樓斷壑白雨度高城
巾屨承雲氣杯罇壓水聲莫愁西景暮清月滿前程

曉行大霧

曉霧迷方所還疑夢裏行兩儀渾不闢萬象自忘形
空外聞鷄唱風中認澗聲東方看漸白快覩太陽明

桐江舟中望雙檜亭

江漢滔滔流復流桐津西畔上孤舟雲籠翠壁深留
雨日照丹楓爛欲秋不與魚龍爭出沒任他鳧鷖自
沉浮異時容我真隱蒼檜亭頭百尺樓

重陽之翌上南漢西將臺步板上瑞石金公韻

浩劫山猶在清秋客自來金湯空地險籌策愧人才
北望烟塵暗東流江漢迴書生齎壯志撫劍獨徘徊

次板上息菴韻二首

萬仞峯頭百尺臺崇山鉅野遠縈迴不堪俯視三田
石欲向蒼穹借震雷

虎豹猶猶守九關孤城暈月慘愁顏江東寸刃終無
用空使英雄鬢髮斑

邱隅丈人山行賦菊所托意者如興如比自有
楚騷遺響三復感啼步韻拜呈

孟冬幽逕菊顏色最分明晚節凌霜苦寒香泄露清

自同君子德寧媚世人情誰道賞音絕遲留清士行

鍾會菊賦曰早植晚登君子德也故頸聯云來
詩曰老夫偏感慨落日故遲行故結句及之

二月小望識感丁丑

青春回大化白髮感殘生靜愛林居好聞知世累輕
詩書三古想丘壑百年情樂意關幽鳥臨風聳一聲

寒食上墓

東風寒食祭先慈雨露荒原血淚滋更看滿山松柏
樹春來鬱鬱長孫枝

春日寫意

晝掩衡門岳麓前滿庭芳草坐悠然存身每恨青山

淺齋志空憐白髮鮮鄒魯漫漫二萬里唐虞漠漠四
千年瑤琴獨抱無人和萬壑松聲自在絃

舟下仙遊峯

仙遊峯下水如天不辨端倪在那邊直向泮洲江上
去櫓聲驚起白鷗眠

病榻遣懷

高山清水洗塵凡一室超搖展百函雨露猶沾閒草
木風霜不朽老松杉杏壇師弟三隅反毫社君臣一
德咸意會不知千載曠夏天涼意動輕衫時看論諱
憤悱章及

商書咸有一德
篇故頸聯云

十七日觀水于貞山任曹吳熙常兩丈不期而會其事甚奇臨歸口占

碧霄寥廓白雲深二老相將整素襟天作高山瞻象設我來空谷喜登音沿溪碧草無餘地滿壑蒼松有積陰百道淙琤鳴不已無絃終日聽瑤琴

見山祭李在邦墓

一朝乘鶴去千載白雲長不做人間仕應爲地下郎死猶餘蘋藻生不厭糟糠已宿三年草虛陳一瓣香

在邦家在揚州乘鱗橋邊故起句云

梅山

薄暮山雲暝寒霜宰樹悲九京臨祖考五載謁孫兒
况奉含飴笑如親繞膝嬉林風吹舉袖感淚自垂垂
立春日承金陵韓進士文健書存是日又雪若
有契于郢中之歌因之爲詩寄金陵詞下求教
蒼麓朝來白雪深陽春消息帶南音誰言末路無知
已千里流通一片心

十月九日家大人招攜五老人作再重陽會于南麓用倣東坡故事也華泉李文采賦五律以述其事代家大人奉和原韻戊寅

招招五老會曖曖再重陽衰鬢千莖白寒花萬點黃

登山心益壯把酒氣逾剛雅集蘇仙後風流此地長
三月上旬爲修歲事發向赤城桐江舟中口占

己卯

小舫輕於葉桐津江欲平真如天上坐未覺水中行
淡淡雲承袂飄飄風振纓汀洲千樹柳朝日復含情

齋居秋懷二首

虛堂寂寂坐浚叟鴻鴈來時有遠情歲晚松杉當戶
挺夜闌星斗入簷明壯心不逐秋光老真意多從靜
處生頭白未須悲廓落寒花庭畔葆幽貞

終年淹病閉門衡高臥非因傲世情虛室青燈通夜

氣滿山黃葉報秋聲達人且樂生前酒烈士渾忘死
後名已信萬緣由定命卜錢何用訪君平

重陽之翌隨澄岳吳丈于道峯拜兩文正先生
廟三首

此歲知何歲重回己卯冬九關狷虎豹大陸爛龜龍
世禍一時事儒林百代宗心香聊自薦如得躡玄蹤

右屬
靜菴

我生後大老神契在遺書名理傳元晦事功承子輿
斯文終不喪世道定焉如端坐懷高躅清風振我裾

右屬
尤菴

證期從北聖晤語在東門可但尋雲壑端由溯道源
執鞭欽德義操八服仁言我欲隨高隱回頭問魯原

魯原即澄岢丈人舊隱而路上八望丈人指點衡宇故云

清節祠

吾道空門在先生百世師非緣尋地勝爲愛秉天彝
莫怪身章幻常憐心跡奇黃花聊欲酌白日照遺祠

三月四日發覲行向越中馬上口占 庚辰

西風吹送遠征人驅馬長堤草色新萬木傾陽紅爛
漫千山得雨碧嶙峋名區處處傳勝躅逆旅悠悠寄
病身日夕庭闈關寸念我行非是爲尋春

錦江亭謹步外舅板上韻

魯陵松柏望悽然不待春宵聽杜鵑嗚咽落花巖下
水滔滔哀恨向人傳

四月六日偕忠原主倅任丈及澄岳吳丈任丈

之胤景文 翼常 作丹邱之遊午炊黃江故宅仍

拜尤菴遂菴兩先生影幀于寒水齋中任丈誦

傳乃祖水村公訪遂翁詩仍步韻要和率爾口

占二首

沿江細草匝閒花春日遲遲一逕斜寒水齋前停客
馬百年文藻屬名家

山溪猶有未凋花汀柳翻風翠欲斜日暮行歧迷所向寒江明月主人家

自島潭歸景文立馬誦傳一絕馬上步韻

島下清潭島上雲三峯卓立自成羣草琴聲遠蘭舟泛山水濃情獨許君

寒碧樓敘別任丈有詩要和率爾聞命

丹山碧水自幽期二老清遊并一時待到越中無此會錦江亭上倍相思

辭樓下舟舟中臨別與任丈聯句結句用韋蘇州詩用叙眼前光景

樓下長江碧不流汝得青山多意住行舟伯應如今送別

臨江水他日相思來水頭韋

金秦允嘗陪仲父留永春任所聞余作四郡之遊為詩問北壁題名不勝愴惻步韻却寄二首

太華山臨江水流清風朗月四宜樓仙鳧一去無遺影古壁留名十六秋太華即春邑主鎮四宜樓名

環碧亭前泛玉流睡仙消息訪名樓今行不覓春城路萬事傷心海鶴秋環碧亭在春邑睡仙堂即東閣故云

陪家大人遊錦江亭 莊寢郎沈仲賢獻永亦會

名亭位置占崇邱亭下長江萬折流影烈巖前紅日照清冷浦上翠雲稠空山白馬無遺影明月啼鶯有古樓未敢索言當日事千秋虛壑漫藏舟

落花巖在錦江上卽端廟宮人殉節處也其上建愍忠祠以祭之守祠者云常夜環珮往來於祠中巖際聞而異之步錦亭板上韻用述其事

錦江秋色正鮮新恨水滔滔咽萬春落盡巖花何日發月中環珮有歸人

報德寺禪樓夾板上韻

冷雲殘照使人愁松栢蕭森耐九秋老宿能知塵刹

報百年鍾磬護

珠丘

寺名報德為拱護
寺有僧最淡年九十三謬

及端廟遜位時事
不堪悲恨幾於泣下

道德巖在博達嶺下兩峯之間竦身玉立而幽潛不露有若退藏於密不見成德者不直氣象端莊望之起敬而已未知誰錫斯名而名不虛得也

巖巖石丈自清臞潛德幽光特地殊看取聖門誰得似子淵終日默如愚

訪沈仲賢于莊齋偕至禁夢庵翌日仲賢有

詩要和謹呈齋居用博一祭 辛巳

幽谷雙鷗度空林一鳥鳴披雲望寥廓觀雲坐虛明
柏樹當庭秀檀烟繞榻輕風流與國會悵望有餘情

又奉近體要和

相送東林遠何妨西日冥乾坤雙白鬢身世一青萍
地肅成真隱官清抱古經願言勤灑掃 園寢儼
明靈

孝懿王后輓章 四首 ○ 代作

桃李重華異門闌毓慶辰 嗣徽仍再世種德自先
臣薄海涵 陰化羣黎戴 至仁千秋光簡策名實

并任莘

融融長樂殿肅肅濯龍門 斂寂仍無跡 含弘自
不言義精辭典禮 守約戒私恩孰謂舟梁歲 真

遊杏紫閣

鶴髮含飴樂鷄鳴 問寢辰方隆千乘眷遠向九疑

巡 翠殿虛 慈慶丹旌出帝宸 嚴廬淡墨色匝

域感丞民

清蹕遲遲路祥雲起華山禮因遵魯祔地卽卜周灤
翟輅如新屆 龍髯恍再攀并將今古淚灑盡 玉
欄干

閏三月晦日夜長興庫吏告以除命口占爲

詩 壬午

恩命今三至虔恭起病床子交色無喜正父走循墻
養體宜關柝渾頭奈雪霜閒雲籠碧岫隱顯兩相忘
潁上丈人行遣于常山老洲文丈爲送嚴程期
會于石隅店因相將至冰湖敘別謹述近體五
首還以請教

誰知潁上老皓首戒嚴程不見幾微色寧爲嗟勞情
江籬空自怨秋栢詎凋榮素履無夷險天心在玉成
西江涉風浪南國問居停岸上數人在水中孤棹行

翠雲籠石壁白鳥泛江聲開歲應雷雨前期此地迎
行廢皆由命先生意豁然世人開白眼吾道信蒼天
飽喫惠州飯安流灑灑船枕窓有炳燭留與疾書傳
珍重蘆江叟凌晨扣遠橈非因經歲別端爲百年交
津柳蕭蕭馬風林嘒嘒蝸相看歎兩得今古淨安橋
畏塗元不盡賢路苦難平歲晚常山遠風高潁水清
孤懷秋易老別恨夢仍成獨夜聽歸鴈天寒寄遠情

頸聯夢中所
作覺而足說

望 健陵效陽關體

華山佳氣盛氤氳灤水三朝葬 聖君時危倍切於

戲思淚灑蒼梧古木雲

狎鷗亭

亭即韓上黨明
治舊墅○二首

園林鍾鼓樂冥沈相國風流此地尋勳業如今消得
盡漫勞身世費機心

生前且樂侍中榮芳臭渾忘身後名回首露梁江際
望六臣廟上日星明

夜讀中庸一純徇讀論語樂而賦之用陽關體

三首

子父相將讀聖經空山靜夜一燈青二樂人間吾不
與聊將此事慰頽齡

千聖傳心在六經洋洋謨訓炳丹青頭白更無餘願
在一床相對了殘齡

窮山歲暮抱遺經聖哲依依象典型彈罷瑤琴人不
見寒江秋月照心靈

晏起識警 癸未

春眠不知覺赤日上三竿晏起平生戒深慙管幼安

哭爽汝墓

一死誰能免如君曠世無茲行非裹革何事未全軀
草宿三年土天存六尺孤定知難瞑恨夜夜哭慈烏

崔粲夫 琳 來自東京止宿岳麓精舍臨別口占

用替贈言

虛齋止宿見深情磊落高談四座清莫道難為衰暮

別夢魂應復到東京

東京有南昌故跡故云

南至前三日赴水谷幽期即席步主人文丈韻

謹呈詞下請教

平生雙眼為誰青三十年來君子庭黃菊秋酣東郭
聖紫芝春老頰酒亭罇疊漱漱生風韻絃誦洋洋見
性靈歲暮願成分華約束湖雲水了頽齡

東郭賞雪望李子岡茅亭悵然賦之

駱麓相望大隱亭茅茨晝掩白雲扃東林霽雪空延

佇之子不來山日冥

苦寒

食不充腸衣不完雪中凍殺幾袁安安得邊生九州
被幘幪寒士破愁顏

今年甲申即 毅廟殉社之四回甲也元朝誦

晦翁明年太歲又涖灘之詩不勝興感步韻識
懷

聊開栢酒奠辛盤元日幽懷強自寬不見中天明日
月徒傳左海漢衣冠鹿山襦匣能無恙鰈域金縉未
自安殉社 皇朝回四甲今年太歲又涖灘

毅廟在鹿陵

中 馬山

上元夜赴東郭丈人幽期少焉李子岡至丈人
攜出青門大道賞月仍操几于第一第二橋橋
上行旅酬禮景文亦會要賦詩述事歸路口占

四首

皓月亭亭聳碧霄春風澹蕩上元宵天門街上騎驢
客踏盡長安第一橋

東郭先生七十年龐眉皓髮尚無愆良宵巾寫翩翾

舉始見人間不老仙丈人今年津七耄而步履輕
健進陪不及真瞳乎後矣

柳臺梅巷掩茅亭巾袂飄然出戶庭携手同看元夜

月萬緣都忘一心冥子岡至自
大隱亭

臨風把酒莫嫌頻行樂人間當及辰閒步從容橋上

立不辭霜露濕衣巾景文勸酒
橋上故云

花石亭謹和板上栗谷先生韻

曠劫亭猶在先生道不窳鰲魚想真樂山水挹高風

矗石含濃翠幽花葆晚紅屏營循往躅翹首紫雲中

紫雲栗翁
俎豆之所

花潭逝斯亭步板上慕堂韻

高鳥游魚上下參蘸川山色碧如藍我來曠世猶觀

德花滿空林月滿潭

又題二律

世儒皆口耳夫子造心靈獨契堯夫數仍符子厚齡
真襟看鼎蘚玄悟驗升翎安得九京作迷塗一喚醒
未堪勞仰止聊上逝斯亭植傘虛雲壁觀魚聞晚汀
崇邱闕巾屨遺廟有神靈千古瑤琴意臨風倚翠櫺

滿月臺 二首

落日孤吟滿月臺山河極目有餘哀
馳橋綠草空春色鵲嶺蒼松幻劫灰
曆數靡常歸 聖德城隍依舊枕荒隈
金宮紫闕今安在惟見林巢夕燕回
霸業千年雲水空周遭故國見神崧
操鷄搏鴨聲名

壯舞鳳飛龍氣勢雄
養士有光殉國烈
飯僧無賴福田功
毬庭掃盡繁華跡
寂寞殘花護故宮

嵩陽書院 二首

高麗五百載獨有鄭先生
氣盡山河壯名爭日月明
忘身扶社稷殉道答朱程
廟柏清風動儵儵萬古聲
廓落高麗國昭明
圃隱家精靈騰北斗
功化滿東華橋畔
猗猗竹江南寂寂花
我來猶覲德遺像
葆中和

嵩竹橋 二首

嵩竹橋邊麥有華
丹心一片可容磨
女娘猶識忠臣義
唱斲西風百死歌

石心不泐血淋漓地久天長無改移先生自是求仁
得休說橋頭有泣碑論竹橋上有碑石不雨而
濕土人妄稱泣碑故云

羅伏橋在松京城外即新羅敬順王歸命麗朝
之地也

香車寶馬出羅宮王氣金鰲一夕終惟有松蘿王子
在千年社稷寄山中敬順王出降于麗也香車寶馬
三十里不絕新羅太子不從王

入金剛之松蘿菴
草衣木食以終身

孟秋念日會李子岡于在礪亭轉賞貞山泉石
歸路口占請教四首○甲申

水頭纔下馬谷口已鳴驟幽鳥欣相喚寒泉湛有華

交情和白雪奇氣漾青霞我欲歌招隱秋風桂樹花
掩靄清修洞蕭寥在礪亭琴心方在水劍氣欲干星
淺酌聊相勸孤雲與共停未須催夕秣何妨坐天冥
白雲流水滿西陵瀉盡胸中氣鬱蒸跂石渾忘三伏
熱何須赤脚踏層冰

往事悠悠不敢言 喬陵肅肅 母儀尊當時滿谷
神靈雨留作川流一洗冤貞寢復陵設祭之日驟雨
降貞陵洞壑川流漲滿

民稱洗
冤雨

柯亭月夜懷李子岡東遊三首

天下名山天下士由來兩美合為難翩翩芝蓋尋真

去海上羣仙拍手歡

清霜八月萬林紅人在蓬壺瀨氣中懸想惺樓今夜
月鸞笙隱約下天風

忘身存道便升天朝飲清流暮紫煙祗願為君鸞鶴
御萬千峯上躡飛仙

韋蘇州詩云存道忘身一試過各奏玉皇乃升天

效白洲體仍用其韻

萬景臺前飛短笳九淵洞裏喚神龍乘槎澆酒七星
石停屐題詩九井峯

拜芝谷李公

敏朝墓

行行到全谷下馬拜孤墳寶岳餘寒日芝林泛斷雲

人間忙脫屣地下去修文曠世難觀德典型想聘君

菊花有名醉楊妃者傲霜卓節詎可與淫婦擬

倫哉為之辭嘲

霜傑凌秋氣節崑誰教喚做醉楊妃金精自蘊馨香
德肯與天桃鬪艷輝

少晦識感二首

虛室冥心絕世塵天高木落感蕭晨寥寥窳巷無輪
鞅留把寒花作上賓

萬象俱空一氣神崢嶸寥廓露冲真歲寒心事誰因
托惟有青山似故人

今年甲申卽余四十九歲也誦李白紫極宮詞
四十九年非一往不可復一句彌令人興感遂

步韻敘懷仍呈沈仲賢

五首

結髮念善事至道窺汗竹采采靈芝草終朝不盈掬
南山白雲裏悠悠處幽獨餐霞卧邃壑永矢自寤宿
我生命在天何用詹尹卜靜坐觀羣動時序感剝復
萬化相回薄一理存培覆語默心俱寂玄酒味更熟
絲鳳下玄霄翱翔赤水竹亭亭琅玕實當食不自掬
冬夏不變色亦有松栢獨洪柯傲霜雪祇許雲鶴宿
驪龜沈河洛大衍數難卜其用四十九我年不可復

從今自知非庶幾收水覆五穀雖無秋不願黃稗熟
涼颼度秋巒嫋嫋鳴窓竹寒菊開林耀清露手自掬
俯仰宇宙內閒靜如我獨不與衆鳥托但依孤雲宿
隣曲無人來晴晝時自卜宴坐冥真心湛然絕往復
俯瞰叩嶮坂車馬帶傾覆不做邯鄲夢何待黃梁熟
晚塗見清士貞操逾松竹鼎苔自成紋徒把寒泉掬
昂藏北山側遺世心期獨無衣以禦冬掀房露地宿
祇信晦翁天不斲季主卜知非伯玉年修身不遠復
何論甲雌雄定無手翻覆相期在皓首忘言道機熟
有懷素心人孤吟猗猗竹鞠華雖已衰梅香猶堪掬

嘗恨涑水翁有園樂云獨願言空山月臥雪對床宿
冬日苦嫌短曷不良夜卜賓主澹若忘靜見天心復
須君切磋力我德免顛覆歲暮空延仔床頭酒已熟
李子岡歸自蓬壺披示錦囊中有歇惺樓懷我
之什步韻却寄二首
寔鞭恨不與之齊空使名賢覓舊題應寄遐情與清
月隨風直到木山西余居木覓山下故云
巾車遙夜宿招提神界風光未共攜霜落瓊林清磬
動毘盧頂上月輪低

乙酉元日

五十今朝是浮生惜暮齡一身安素履萬事任蒼靈
晦木潛敷德寒梅自有馨凝神會冲化虛室喚惺惺

齒豁

八月生齒八歲齟百年成齟一何長大如天地猶消
盡爛若星辰亦隕亡默守寥寥聊自樂語訛艾艾亦
何傷餘生放浪形骸外回笑閨房飲乳蒼

五月九日送一純受業老洲門下口占

癡兒未了聖賢書晚學無因接緒餘負笈今朝江上
去白頭扶杖送門閭

余愛菊而不知名賦詩以解嘲二首

卓立霜前黃菊英天寒歲暮葆幽貞懷香抵死全高節羞殺騷人漫勒名

黃花翠葉耀金精祇愛寒香不愛名淵明但識琴中趣素匣寥寥絃上聲

過允汝宅步陶淵明悲從弟仲德韻用自識感騎馬向大陵雙淥已先零入門呼我季音容邈九冥徂沒離三秋迢遞絕影形儵然乘化盡終天不復生如何捨人世遙遙向何征劔折匿光芒壁碎沈符精戒駕未半塗白日忽西傾恩愛若同胞惟吾弟及兄我年已半百流浪遂無成平生首邱願歸歎欲耦耕

華山何律烈漳水亦清冷擬樹雙板屋相守終百齡為計不及就一曙哭失聲君死無我身予何能行遊魂獨無依埋玉闕玄扃象生設舊堂流塵集軒屏經戶夏披帷髣髴若有靈哀風颯然起秋氣益崢嶸寒菊開空階衰草羅故庭觸目皆游跡感感心不寧鶴髮沈哀疚倚門淚縱橫晝燭常欲滅號咷直崩城弱女索父啼纒然寄典型藐孤三尺童蒙衰自熒熒儉歲逢家乏往往罄瓶罍寒廚不起烟下室闕豆銅行路不忍聞矧茲骨肉情餘生非木石何以耐零丁人琴俱已亡一慟徹幽明良人不可贖黃鳥獨哀鳴

低回不能去悽悽悲襟盈

金從元石駿讀書津寬寺有懷寄詩敘懷

華山西畔即津寬吾弟縹囊住此間懸想上方長夜
樂萬林風雪一燈寒

除夜

牢落人間世飛騰五十年孔融徒感歲遽瑗自知愆
已薄桑蓬志仍深杞菊緣明朝六旬是空復撫華顛

朴公應漢挽二首○丙戌

四楔充衡宇三綱華一門清溪高士遜德谷宿儒尊
苞鳳寧無種靈芝固有根老成零落盡不復典型存

公先祖清溪公與靜菴并薦不起公先考立菴處士晚居德谷

百年敦戚誼三世罄交歡張許同年紀陳荀幾往還
白城曾秉燭紫閣屢承顏異日中州淚應霑五柳間

五柳洞各

寒食道中望近齋先生墓

蒼松隱約白雲中清士幽宮起晚風長亭駐馬懸雙
涕應有精靈自感通

三月二十二日朝偶題二首

獵獵東風動物華崇朝闕盡洛陽花天公非是安排
着化育神功自不差

卧病窮山春復生
林廬四畔百花明
繁華輸與幽人賞
惟有東皇不世情

識感用陽關體

望秋蒲柳自蕭疎
齒豁頭童萬念虛
猶餘一事差強意
六十燈前看細書

自貞山轉尋在礪亭復用農巖韻二首

倦鳥依林止
幽泉觸石鳴
地偏塵事少
人靜道心生
倚檻晴峯出
停杯夕照橫
詩成聊自戲
何用擲金聲
舊與金城甫
幽期每此邱
披襟道情素
修禊盛風流
林壑看長在
巾車逝不留
招攜兩冥漠
獨立晚蟬秋

八月十三日爲修歲事發向漳楸馬上口占

去馬與來牛
盪向長安路
應將賣柴錢
名節祭先墓

漿漿坪望玄溪

蒼松隱約白雲關
七世衣冠闕此間
人生當老松楸下
誰費千金欲買山

敬止齋二首

清華山西漳水東
一區衡宇宛居中
居人祇說農桑好
不識吾先遯世風
死徙端宜不出鄉
從來此法自先主
平泉綠野徒爲爾
孰若窮廬敬梓桑

易安齋 二首

為宅水西頭寒溪日夜流
名山難作主空峽易為秋
橡栗生涯足禽魚樂意優
平生誓墓願因復撫松楸
我屋梅山上圖書晚計留
起居聊自適身世欲何求
幽壑龍蛇蟄宵林麋鹿遊
長歌反招隱閒雲頭上浮

雞山祭仲父墓

空山零葉下蕭蕭
手奠金卮淚濕袍
嗣子又亾無血胤
一杯荒壠長蓬蒿

望終南山

望裏南山積翠微
白雲飛處是庭闈
今日計程應反

面高堂欲舞老萊衣

賦行

蕭蕭倦馬信清秋
臨水登山恣遠遊
五日賦詩三十首
盪曾不許一塵留

重陽赴東郭任丈幽期共陟駱山賞秋

行年五十一重陽
秋興滔滔老更狂
平朝騎馬聊孤往
東郭寒花葆晚香

六月之旬偕成伯元石及林士玉

象鉉

庶弟若

弼遊清修洞

己丑

清修洞裏振荷衣
在澗亭中坐夕暉
空鎖樓臺人不

見四山風雨一僧歸

金城甫李子田遷作洞主面或後或廢人事屢變故云

枕上口占

窮山病臥養殘生人世羣緣總忘情獨會靜中含動意萬林中夜聽松聲

十一月三十日季女閔氏婦生男喜而賦之

嗶嗶聲動出房帷小女兒生男子兒千載朱黃傳付意壁間自有畫金獅

一絕朝出江門不還終夕苦仔因之為詩

飛雪層冰江上村癡兒訪道丈人門白頭扶杖倚闌望夕鳥下庭山日昏

全君實

最信

歸自江門告行口占以贈

庚寅

客自江門立雪餘函筵道氣襲襟裾三旬傳習知何得父母神明小學書

神明

君實受讀小學一部許魯齋云吾於小學信之如父母敬之如

謝閔子亨

泰鏞

來訪

風埃漠漠見真襟處士堂中學士臨誰道雲山從此別靈犀一點照冰心

憶兒

三首

父子由天性流通一氣神懸知旅夜枕魂夢繞吾身東風吹雪滿長安天地凝成白玉團今夜兒行何處

宿春衫薄薄不勝寒

極目望前路春天午景回遙遙聞犬吠錯認幾人來

三旬病不開戶今日始見庭桃凋謝未盡若有

待者

墻頭老桃樹翠葉殘紅若待臨門賞殷勤慰病翁

病枕無所猷為一日屢櫛聊以遣閒

一日千梳復萬梳梳短髮自蕭疎爬搔細蝨渾頭

淨安得身心垢盡除

孝明世子成服日泣題

三首 ○ 五月九日

笙鶴朝天逝不留白雲何處杳 真遊空餘皓首宮

僚在一慟歸來萬事休

人間庚歲是何年 聖祖神孫盡上仙蓬華孤臣猶

不死無疆大曆祝仁天

正廟寶天在庚申 震 邱昇遐又在庚寅故云

銅闈春滿少陽天幾度攜經侍講筵那識斯晨持禮

服宣仁門外涕漣漣

二十七日夜夢先君子會竹里金文基豐于岳

麓舊堂談笑疊疊宛若平昔不肖亦侍坐承誨

良久而罷不勝愴涕枕上口占

二老相將鶴髮明亭林樽俎宛平生依依談笑籛籛

罷風雨寒鷄不已鳴

健陵諱日識感

龍御乘雲三十年如何 鶴駕又賓天後庚添得先
庚淚哀恨滔滔徹九泉

待兒

送子蘆漪去淹遲反面行冉冉黃昏近依依初月生
簷端白雲宿庭際草蟲鳴倚杖勞凝望衡門夕不扃

贈別權聖兼

達善○二首

送爾黃江去秋風一棹高水程多急瀨隨處慎驚濤
故宅留文藻歸求二祖心寒江清月在灑落見真襟

臘月拜陶菴遺像于花田之逸休亭 二首

冬天斜日到花田為問高人永矢年風節不隨邱壑

變寒松雪竹尚依然

壁上有寒松雪竹四字即陶翁手筆

急流勇退亦神仙况復存身學聖賢曠世猶能觀盛
德春風氣象畫圖傳

六月十三日展墓 辛卯

是日回初度通宵念二人音容邈玄隧號泣訴蒼旻
莫報劬勞德惟餘煢獨身平生踐形願努力勉為仁

昨歲八月朔日 殯宮火變罔極日月復回回

念往事怛然驚心口占志懷

憶昨 銅闌烈焰紅臣民不克哭新宮百年未敢忘

今日冤恨滔滔徹上穹

未及行新宮災三日哭之禮故云

借趙孺文

秉憲

尋清修洞二首

筇屐相將入翠微洞天深處坐清暉真機已熟忘言處流水聲中兩布衣

平生臭味不相違皓首相期携手歸此地雲泉差可隱何時同掩碧雲扉

賢泉新屋望爵谷舊宅識感

為宅茲區十九春中間歌哭摠前塵無錢可買青山隱依舊洛陽城裏人

五月六日哭

孝昭世子大祥于闕外歸路口

占 壬辰

乘天鶴御去無回 諱日人間已再來萬事如今終一哭更從何處瀉餘哀

拜老洲丈人舟中口號

癸巳

龍鳳亭前放小舟夕陽無限大江流中洲不耐回頭望隱約伊人宛在樓

苑在樓名

月洲蘇公

斗山

後孫輝冕志學真篤不勝屋烏

之愛為誦尤翁贈月洲詩仍步韻以送其歸

臨風三復華陽詩斗膽崢嶸舉目悲百世難忘舍忍意月洲孫子也應知

月洲之尹龍灣也尤翁寄詩說及孝廟九連城詩之意悲壯

哀絕有不盡之感故云

老洲丈人成服歸路次任景文韻二首

冲霄仙鶴不停飛痛哭虛堂淚滿衣
牢落人間遲後死九重泉路送全歸
亭臯木落秋雲飛欲向蘆漪一振衣
悵悵高人難更作不知何處可同歸

葬老洲吳丈于白水鄉中又送趙孺文歸海上口號雙絕以贈

儒林氣倏極悽秋白水青山餞永歸
此日送君湖海去寢門餘淚濕征衣

斯文一綫抵千勻末路無人識道真
賴有良朋尋墜緒擬將餘日屬君身

任景文證期重陽相邀琵琶亭上用追朱先生天湖古事是日風雨敗興效謝無逸體仍步韻

請和三首

滿城寒雨屬重陽可奈籬花抵死香
漠漠青泥深拍肚不堪孤坐聽淋浪

滿城寒雨屬重陽南岳幽期詎可忘
懸想琵琶亭上望萬林楓葉半青黃

滿城寒雨屬重陽安得攜君舉一觴
待到天晴乘興

去長風振策翠微岡

玄湖精舍前臨黔芝山瞻望識懷

黔芝山下葬吾親畢命松楸願莫伸天際崇邱長在
眼孤雲飛處報昏晨

族弟伯春

元勇

訪玄湖新屋臨別留詩步韻以

送其行

少東樓下水西流流水無情逝不留搖櫓一聲驚鷺
夢滿江風月意悠悠

偶題

蔬糲猶堪養老生江湖晚計自無營得魚盡向朱門

去笑殺漁郎亦世情

積雨

烟雨空江鬱未開階庭翠色映新苔閒中亦有關心
事坐看漁舟自往來

有感

江流有底急日夜去滔滔人世原無事浮生謾自勞
待兒

兒子城闌去黃昏猶未歸白頭扶杖望清月上荆扉

識感二首

自從成隻眼不復理殘書靜坐無餘事冥心萬象虛

萬事皆前定餘生祇任緣平生不貳訓歿壽自怡然

明年丙申即吾以降之辰也謹步先考壬申除

夜韻用陽關體 二首

大德無因報昊天每逢除日倍愀然赤子如今渾白

髮受形六十一年前

移孝于今事上天西銘誦罷涕潛然通宵不寐仍明

發但願餘生不辱先

草花 丙申

庭畔無名草孤花對晚暉不關人愛惡開謝自天機

蘇純汝 輝冕

負笈而至共步山庭呼韻賦詩應

聲而成愛其辭理俱臻即和而誦之

思君一日抵三秋北學知應悅孔周若使蚤聞君子

道世間萬事盡悠悠

李元平 容準

止宿水榭共讀白江尤翁兩賢墓

文不勝感慕口占要和 二首 ○丁酉

青燈展讀白江碑扶植天經賴在茲百世未堪忘大

義永懷至痛在心時

孝廟答白江疏有日暮塗遠至痛在心八字故云

尊周大義炳如丹松柏

寧陵葆歲寒微我尤翁皆

左袵千秋功烈冠三韓

二月六日夜夢遍遊名山覺來僊僊若霞舉枕

上口占

巾車象外恣清遊踏盡三山與十洲風雨聲中驚罷
夢依然身在水東樓

李元平夢余告病力疾衝炎而至為詩謝之
朱炎步履遠來尋慮在坡翁海外音却怪冥符姑不
到願將餘日托知心

元平苦患阿睹以閱月廢書為悶詩以寬之
煌煌巖電乍藏光時月停書亦未妨天理自存涵養
地延平老子有神方

延平先生雅言默坐澄心體
認天理是為心學之真訣也

謝閔寧仲致文來訪

巾車象外恣翱遊暇日幽期在水樓滿地江湖風浪
定白頭相對兩虛舟

金汝行景善閔子亨兩學士聯騎見訪復步前

韻用謝至意

江聲岳色可清遊二子風流共一樓別後生涯何用
問五湖烟雨一漁舟

丁酉重陽偕任景文期會李子岡于水落山中
夕至玉流洞口占

玉流清活接金流落日洞天幽夏幽懸想道人先我
至紺園紅葉倚高樓

乙未菊晦與趙孺文訪靈芝道人止宿天雲堂
翌日相將入山三歲再遊而孺文遠在湖鄉莫
與之偕不禁流悵漫成一律

有美三溪士相携憶往年芝林觀至德蓮社問靈詮
地即尋前度人何曠舊緣寄聲鴻鴈去渺渺向南天

趙時仲中植在峒陰山中和贈送別詩又步其
韻却寄

不見三秋久書來抵一臨即回青眼視未覺白雲深
名山至理抽玄鑰真機暢素襟寒江有清月留照故人
心

見負陶器者感吟

身擔食盜重如山履薄臨深造次間問爾解任歸去
日可能無忘此間關

大寒日展墓梅山途中口占二首

叵耐晨昏慕不辭行路難邱原西日照辛樹北風寒
顧復恩何報形骸老已殘平生明發念雙淚不曾乾
孤露餘殘喘真如木石頑二人自冥漠一子屬艱難
悖德生為辱全歸死亦安矢言為善果無愧拜時顏

金定汝洛鉉止宿水榭留詩而還步韻却寄

觀君玉貌異凡人晦木春容自日新尊門十世傳詩

禮先學元公養性真

文元老先生溪上故宅扁堂曰養性

盆菊無花

戊戌

手植陶盆菊數莖九秋猶未綻金英誰知卉物無心者猶有人間冷暖情

代菊解嘲

晚節陰崖擢紫莖和霜伴月養寒英金精自蘊黃中理羞比春花媚世情

寄趙孺文

不逢清士久塵土滿襟裾歲暮金丹遠天長玉字疎遙遙千里駕寂寂一牀書江漢無歸鴈因風問起居

卽事

山童賣柴返落日倒騎牛時時和睡去應不夢公侯呈靈芝道兄求和

昏夕占星色行尋處士居軒開三秀地襟整百原廬道氣秋霜肅真心夜景虛斯文遺一老天意定焉如

三秀軒名

臘夜夢邱隅丈人

平生愛慕止巢翁生死幽明自感通夢裏名論猶發省覺來涕淚濕襟胷

止巢公所居室名

聞名登銓曹剡章戲題

已向浮雲掛姓名萬緣斯世摠忘情時人戲劇還多
事雪竹寒松自我生

李元平止宿江榭臨歸討詩其意真切贈以一

絕

靜夜觀君玉貌清雪窓燈火照心明世間毀譽何須

說皓首相期在立誠

元平聞人毀我不勝憤惋故云

臘念夜夢拜老洲丈人不勝愴涕枕上口占

一別幽明今六年中間人事海桑遷蘧蘧未了諄諄
誨夢罷空樑落月懸

除夜枕上誦晦翁詩仍步韻識懷

二首

朔中百感歲時多意氣崢嶸不自磨天地中間吾自
在百千蚊蚋任啾嘩

坎止流行輒任緣兩忘身世自悠然急流住腳安窩

老快樂人間七十年

程叔子嘗云邵堯夫急流中安然取十年快樂

與若弼守歲于梅山歸到露梁江上分路

露梁江樹遠依依行到津亭不忍違原上鶴鶻能會
意乘風猶不北南飛

己亥元旬李汝弘見訪水墅仍成四老會統計

為二百七十二年戲作一絕仍證前期

四老同躋三百年相看疑是化神僊前期此會知誰

健江漢春波泛釣船

二十四日承樂簿除 命復步前韻

華誥煌煌典樂名
大章詎足一夔成
佇望虞廷新氣象
九韶聲裏鳳凰鳴

二十七日又拜外臺除 命戲題

平生身世兩相違
不管人間說是非
四日再遷官底事
白頭羞殺芰荷衣

踏青日途中望朴元得 宗輿墓識感

一別幽明三十年
故人消息隔重泉
遲遲欲去猶回首
宰樹蒼茫接暝烟

三日會李子岡于石室書院

歷歷三洲白
欣欣萬木青
未愁春色暮
惟喜病魂醒
觀德臨罇俎
懷賢拜廟庭
相看意無極
遲日下雲汀

臨流送李子岡還芝山 二首

滿天紫氣自東來
石室祠前一笑開
清水黃塵同寂寞
孤雲獨鶴共徘徊

漢江春水直西流
萬里長風一葉舟
倚棹不堪頻極目
巾車已度碧山頭

九日

今年秋色晚
九日未黃花
倚杖東籬下
天風白髮斜

淒風苦雨彌惹膠樛口占一絕要韓文五運聖

步和

一年佳節最重陽
楓葉流丹菊吐黃
何事天翁多戲劇
滿江風雨妬秋光

韓文五臨別留詩即席和贈

君隨鴻鴈向山陽
霜露淒淒木葉黃
千里相望聊極目
一天明月共分光

牛坡途中望二憂堂堂即趙忠翼公舊亭也

黃牛坡上翠雲浮
丞相遺堂說二憂
氣象好時當百
事死生輕處耀千秋
新詩已自鯨魚判
舊豎任他猿

鶴愁碧血丹衷應不朽
鷺江祠下水悠悠二憂堂珍鳥謫中賦

詩云冤淚先朝三老相悲歌中夜一孤臣羣兇聞而惡之力請賜死

夜夢有詩祇記萬里長空一片雲
一句朝起足

成一絕

河不出圖鳳不聞疇能天下大
經綸唐虞事業渾無迹
萬里長空一片雲

庚子元月八日夢拜老洲吳丈問近課何經吳

丈云將讀中庸仍勉以講確是書覺來愴神枕

上口占

中宵拜誨老洲翁
夢罷森羅舊日容
沒世精神猶感

格丁寧相勗誦中庸

上元夜

荒江亦有上元宵白屋青燈坐寂寥乘興悠然出門
去冰河萬里月迢迢

解官識感二首

名利前頭萬里餘夢魂猶未出林廬來去鶴書渾不
管野心長與白雲虛
息影山潛水杳中一牀寥落萬緣空空林樗櫟元無
用漫被乾坤化育功

在澗亭待襟溪道兄二首

空林寂寞百花開幽磴泠泠九曲迴積雨初晴山日
晚林端極目小車來
我行非是愛山春爲見東方一士真自慙信息元無
素不及嵩山買果人

續流民操

張養浩述流民操旨苦切政道今日光景仍效
其體

哀哉流民八歲罹四殃饑饉已荐臻飄散之四方半
鬼半是人哀哉流民無食可充腸無衣可蔽身百結
復千結形鵠又懸鶉哀哉流民登山剝松皮遵野掘

草根采采不供糜手脚盡瘁哀哉流民流梗靡所向飄蓬無依因蒼生皆失所時命奈不辰哀哉流民行尋父母國提携入城闈京師不舉賑溝壑盡埋堙哀哉流民室家或相棄父子不相親要延須臾命無復知彝倫哀哉流民丐飣不得售乞錢逢彼嗔徬徨街市間不能保昏晨哀哉流民時癘日以熾露地多嘔呻死者相枕藉生者與鬼隣哀哉流民顏貌不忍覩號咷不忍聞世無汲長孺誰復發倉困哀哉流民不死子遺命盡作翳桑魂氣數所爲致上天自孔仁哀哉流民人窮則反本苦極呼蒼旻但願大有年快

活見陽春哀哉流民赤子化盜賊往往自成羣未堪爲野殍所以喪性真

六月五日李長汝

寅龜

至自丹邱訪余于玄江

臨別贈一律

丹邱羽蓋降玄洲落日相將水上樓青眼自開三歲覲素心難展一宵留山人晨越河關去海客朝從鷗鳥遊一豚斯文猶未喪願君努力約同修

十月之望與李子岡相期于石室書院自玄湖放舟望少波亭感懷

鸞驂一去杳青冥流水歸雲不暫停斜日褰篷回首

望西風灑淚少波亭

亭即老洲吳公故宅而已易主矣

舟中望水谷懷潁西任丈

此地曾經巾舄遊泓崢嶸樽俎盛風流疎襟曠韻仍寥廓落日傷心海鶴秋

龍湖舟中望臺山金德安

邁淳舊亭有感

臺山故宅水雲深文藻風流底處尋凝望不知西日暮滿江清月見真心

除夜二首

竹屋茅簷雲掩扃青燈白髮照星星未愁急景催殘夜依舊明朝對聖經

百憂相感日紛紛况值交年到夜分爆竹屠蘇渾不管村雞聲動最先聞

辛丑正月上日展墓

隔年來孺子上日拜先親地下仍長夜人間已發春寥寥聞警效肅肅儼明神但願終身夢承顏夜夜真懷舊

洲老邱翁次第第喪臺山何事又云亾殘生無與論心

契不待三緘自括囊

老洲吳公邱偶金公臺山金公相繼長逝

偶閱南華經戲題二首

莊生慧悟自通神故作謎言幻道真若令觀感宣尼

座應作端商以上人

端木賜

周道垂衰弊極文閃姦打誤說紛紛漆園自是過於
智緣督爲經亦戲云

訪李子岡于靈芝洞時大雪謹步栗翁雪中訪
牛溪韻要和

有美一人棲碧山荷衣蕙帶卧雲間風雨如晦息
初杖策行尋襟溪灣百里茫茫泥海漚萬樹飄飄雪
花團行庭入室見其人清坐相看五夜殘斯文不喪
有耿光詎愁末路名節難此中真意在忘言皓首相
期保歲寒

任明老

憲晦

步栗谷呈退溪詩韻寄意過隆力

疾賡和二首

處窮仍素性非爲愛邱山心遠風埃外身居木石間
停雲希出岫止水不揚瀾衰朽難聞道殘年媿放閒
有美人如玉冥棲海上山真心窮素業奇氣薄玄間
不問迷津路惟觀學海瀾傳家名義重夙夜戒休閒
李長汝寄詩步韻却寄

江河路遠浩無津象外丹邱有一人願學聖賢勞寤
寐放情林壑見靈真眼中莫遁三才理腔裏常存萬
物春一步定知難出戶箕山潁水作堯民

洪寬五在離專治魯論不勝贊喜集陸放翁王

魯齋詩句以贈其行

鑽研魯論莫虛徐伯應數簡方知已有餘放翁家計平生

應不盡伯應世間焉用許多書齋

生朝展墓

今宵耿不寐明發上山來昔日嗶嗶泣今朝切切哀
愀然聞警效寂若闕泉臺七十嬰兒戲殘生羨老萊

鄭元卿曾錫棄縣紱告歸占一絕用贈其行

投却銅章弊屣同飄飄巾袂得秋風君歸自有餘師
在五十寒暄小學童

安生永鎮衝寒遠顧對講朱書臨別題贈二首

幽居寥落似逃虛開戶焚香雪壓廬賴有親朋來自
遠青燈相對紫陽書
白雪青陽晝掩扃荷衣衲衲髮星星卷中自有親師
在願爾歸求古聖經

除夜枕上口占次唐人韻

百感難成一榻眠中宵撫枕意茫然殘生猶有無窮
祝家國同存萬億年

江漲

漠漠玄雲雨未收江河波浪漲天浮千秋尼父乘桴

意欲駕長風萬里舟

夜望江際誦李凝齋詩仍步其韻

夜景虛明欲向晨依依殘月在西津不知白鷺橫江
去疑是孤舟渡水人

晨枕遣心

萬緣自天定一疾豈人爲却忘身全老空嗟氣太衰
風霜饒古柏歲月歎靈芝度世非吾願端居有永思

梅山先生文集卷之二

